

KUTI NACIMFYA SHANI?

 Natukontamike imitwe yesu mwipepo.

Mwe Shifwe wesu, twa Mutotela, muno lucelo, pali iyi nshita iiikalamba iya kwissa capamo nakabili, kabilu ukwisula i Cebo cakwa Shikulu, ukucibika Cena pano kuli ifwe. Kabilu kabilu pamo ne pepo nomba, ukuti Mupashi wa Mushilo alabula ico icili Lesa, nokucileta Cena kuli ifwe, ukutila ifwe twingasha ino ncende ya mapepo ileelo pamo ne mitima ya nsansa iyaisulamo ukusangalala. Tumone amaka Yenu ayakalamba ayakulubula, Shikulu, ifyo yena yapususha bankole nokubaleka bena ukuba abantungwa, ukulenga ukwishesibikwa kuli ifwe “ifintu ifyo fyali, kabilu ifiliko, kabilu ifikesa bako.” Kabilu ifwe tuletotelafyen Imwe pali ifi fintu.

² Twapepa ukuti Mwalatupala ifwe ilyo tulesambilila i Cebo Cenu nomba capamo. Kabilu lintu twalafuma, lekeni tulande mu mitima yesu, ilyo tuleya ukukonka mu nshila, “Imitima yesu bushe tayacilabilima mukati kesu ilyo Ena, Mupashi wa Mushilo, acilanda kuli ifwe ilyo ifwe twaciba munshila.”

³ Paleni kapyunga onse ileelo, konse konse, Ababomfi benu abo abaleimininako Ici, Icine Cenu. Muleasuka amapepo yabo pabalwele. Muleundapa imibili yalwala iya abo bonse abalecula.

⁴ Shikulu, twaipusha ukuti Imwe mwalaya pakati ka bantu nokufwaya lulya ulubuto Iwamwenwa libela ukufuma kulya, Shikulu, nokuleta lwena pano, munshila, umo u Lubuto lwala ponenamo ukucilinganya mu nshila, Shikulu. Pantu, twacetekela ukuti inshita ileya ilepwa, akasuba kaleangufyanya ukuwa ku mboshi, nomba line cili nokuba ukuti “inshita ili nokupwa.” Inshita no Muyayaya fili nokusakana pamo lintu Lesa na bantu Bakwe bakasakana capamo. Kabilu twapepa, Lesa, ukuti, pali ilya nshita, ukutila na ifwe tuli nokupendelwa pakati ka abo bonse abakasakana muli Kristu, abo abetwa na Bwinga Wakwe.

Twafweni, ileelo, ilyo tulepekanya, ukukana ishiba ico ubushiku bwa mailo buli nokuleta, lelo tuli abaipekanya ukupokelela icili conse, Shikulu, ukukonka fye nefyo twaishiba, ukutila Imwe mwalitukwatila. Ifwe tuli abaipekanya ukupokela cena. Ifwe twaipusha aya mapalo ku bukata bwakwa Lesa, mwi Shina lyakwa Yesu Kristu. Ameni.

Kuti mwaikalako.

⁵ Naciba mucine uwansansa, muno lucelo, ilyo Nacingila nokumona ukutila a—abantu balongene capamo ku mulimo wakwa Shikulu. Kabilu twalapela ifyakubilisha nomba ifya mubushiku. Kwalaba ukulongana kwa kundapa munshita

yabushiku. Tulepepela abalwele, muno bushiku. Inshita fye inono iyapitapo, bena . . .

⁶ Ilyo Nacisa, Billy, umwana wandi, acinjeba, acitila, “Kuli ba—ba shibantu kuno, abo baume ababusu abenseshe impamga iitali.” Kibili acitila, “Na—Nacibabika mumuputule, Taata.”

⁷ Na—Nafikile ubushiku sana mailo, kibili—kibili nshabelengelepo sana pe sambililo lye sukulu lya pa Mulungu ilyo Naciba nokulandapo, muno lucelo. Eico Nacibula ifyalembwa ifinono ifyo Nafumishe pafyo Naumfwile umo munyina alandile, nokufumyapo apakubelenga, ukukwata isambililo lya pe sukulu lyapa Mulungu muno lucelo; kibili ilyo tuleiteyanya, nokupekanya uku kulongana kwacungulo bushiku.

⁸ Kibili Billy acitila, “Muli abaume mulya abalwele.” Acitila, “Nde—Nde—Ndefwaya mwingle nokubamona.” Eico, Nacingila mumuputule ino ine nshita. Kibili munyina nalimo uwa myaka nge yandi, no mukashi wakwe, bacikala kala mulya. Kibili Mupashi wa Mushilo acikila pakati kesu mu muputule ino ine nshita.

⁹ Tontonkanyeni fye, ukulandafye pakulongana kwakundapa, kibili ulya Ali palya. Mwamona? Kibili Aceba uyu munyina fyonse ifyo acitile, kibili nefyo alecita, kibili nefyalengele ubwafya bwakwe, kibili uko afumine, kibili nafyonse palwa ena. Kibili kwaciba icinshingwa icikalamba icafita icacikupa mumuputule. Nomba cacitendeka ukubuta, ukubuta, ukubuta, kibili ukubuta, elyo Mupashi wa Mushilo aikatilila.

¹⁰ Nomba, Ndetontonkanya ukutila ulya muntu ali mu i . . . pa cifulo cimo kunuma kuno nomba. Ena no mukashi wakwe limbi teti engile mucikulwa, lelo bena batile bena bali nokwikala, nangu cibe fyo, mukulongana. Bafumine kulya, mupepi naku Yulma, ku Washington, no kwisa baleensha. Kibili ena ni kapyunga wa Mbila nsuma.

Lelo ukumona fye inkumbu shakwa—shakwa Lesa kulya! Uko, umwaume ali mucipatala kibili alipelwe imiti nefintu fyonse. Mupashi wa Mushilo ukusokolola fyonse ifi. Ilyo, ba dokota baesha ukucita icintu icili conse ico bengacita, nalimo, pali ulya muntu, lelo casendele fye kulyo kwikata ukunono ukufuma kuli Lesa, ku kupilibula amabimbi. Ukutensha kuli fye bwino, lelo cili ngefyo twingeta “ukulasa mu mfifi,” namwishiba. Imwe, limbi kuti camilenga ukuba ababipilako, mwamona, pantu imwe kuti mwalabako ifintu fyonse ifyo mwatalile ishiba, ilyo babika ulyo muti muli imwe. Lelo Shikulu Lesa, ifyo inkumbu Shakwe no luse shaba! Kibili nangu lintu Nshilapela ishiwi lye pepo pali ena, cena cacipwa kale. Mwamona? Cena cacisendafye cilya icintu cimo icakwa Lesa, kulyo kukumya kumo, ukucicita.

Nshilingile ukusoseci. Ee. Kuti Naloleshapo, ukumona umuntu nomba. Ukuba, Nshaishibe nga cakutila kuti mwacicita ileelo, nangu iyo.

¹¹ Mukati kacalo umo Njikala, uno mulungu. Na—Na—Na litemwa abanandi kwisamba kulya. Kutusha ukunono cibe imisonkano iikalamba tailacitika, mwamona. Kibili Ndesa ku ng'anda, ukuya kulya lubali nokuya mukulunga utupale naba munyina. Kibili ulu lupwa, indupwa, ntile, abo Njikala pamo nabo kulya, bena mucine bantu abasuma. Kibili ulya muntu, munyina umwine mwine, banandi; bena efyo baba.

Kibili umo pali bena ni umo uwatemwa i—imbwa shilunga. Kibili alikwata ing'anda iyaisulamo shena. Kibili—kibili Nalimwene iya wamisha panono kwisamba kulya, imbwa iinono, cilya eco Njita palwa cilya, “citika imbwa mukulepa nembwua shibili mubutali,” namwishiba, iyo—iyo iyalebutuka ukushinguluka ing'anda kulya. Kibili Natontonkenye ukutila, “Owe, bushe Joe tekuti akwate icintu cimo nga cilya!”

¹² Kibili, nakuba, kulya ku Arizona, afililwe ukumubomfy. Aleingila mu myunga, kibili iyo eyali impela yakwe. Eico kanshi Natile, pamo, “Iwe tekuti ucikwate. Bena tababomfyia imbwa mulya, muli cilye ciputulwa cacalo. Pantu, bena, ukuba, bena tekuti bababomfy. Kuti bacita ico... pamo, imicele, i—imibelete yacalo nefimuti fya myunga, kibili kuti shafwa.” Elyo kibili, mucine, imbwa kulya lubali, u—umumbulu, nangu icintu cimo kuti ca ipaya, nalimo, ifyo fine, nga yena kuti yafuma.

¹³ Eico kanshi uyu muntu atile kuli ine, “Imwe kuti mwamusenda fye.” Lelo Ine—Ine tekuti imusende. Nde—Ndetasha pali cena. Naishilesanga ukutila, yali imo pa mbwa shakwe isho atemenwe.

¹⁴ Kibili uyu mwaume alikwata umukashi umunono umusuma nabana abanono. Kibili ubushiku bumbi, ena atampile ukubwelela na motoka yakwe, kibili akwete iyi motoka ya Oldsmobile. Kibili akabwa kakwe kanono kali fye *ngefi* ubutali, kabwafye akanono. Kibili alikapitilepo. Ilya motoka ya Oldsmobile yapitilefyne palya pakabwa akanono, panuma *apa*, nokukafungaula, apo amabwe yapa musebo yalashile akafumo akanono kakako pansi apa, namwishiba. Kibili—kibili umukashi umunono, mucifulo ca kubutushisha akabwa akanono ku cipatala cambwa... Mucine, kucipatala cafinama kuti bakabikafye mukulala lilya line, nokukepaya. Mwamona?

Kwaliko naumbi umulumento uwali naine. Kibili lilya line aile kulya, atile, “Nga ilya yali ni mbwa yandi, kuti Naipika.” Atile, “Epela fye. Ukuileka yacula nga filya?”

¹⁵ Natile, “Ukuba, twi ipika.” Natile, “Lekeni tuloleleko panono.”

Nafumishepo bonse, nokuya kapepelako. Kalya kabwa kankonkele palukungu. Kibili ena, ee, ena... Mwamona?

“Conse ico mulekabila, ilyo mwapepa, cetekeleni ukutila na mucipokelela; naimwe mukacipokelela, cikapelwa kuli imwe.” “Fyonse fintu.” Ulya ni Shikulwifwe Lesa, bushe tefyo cili? Ena ali—Ena aliwamisha kabili musuma. Kabili ifwe mucine twali Mutemwa, muno lucelo; kabili tulesubila Ena, no kwishiba . . .

¹⁶ Namwene, ubushiku bumbi, aba—abaupana abakalamba, nyina na wishi waba membala abasuma nganshi aba ici—ici chalichi ca bacetekela. Kabili nyina ali, oh, Ndemonia ali mupepi no mwanda umo, kabili bashibo bali, pamo. Ukufika kumyaka ikumi limo na ibili uyu mwaume tatalile aselapo; aliseneme, alelefeye uwatambalala. Nangu, tekuti alalile mumbali, nangu cimo. Alambalele palya panyaka ikumi limo na ibili. Nokukotafye. Kabili nyina ali nomba nalimo imyaka intu akwete, Nde elenganya, pa cifulo cimo mupepi no myanda, kabili umubusu umukalamba alifililwe ukuteka amano yakwe. Ena aletontonkanya ukuti umuntu umo alebula fyonse fintu akwata.

Kabili Naloleshe ku i . . . ukucilinganya itebulo, pali ifwe bonse, abaice na bakalamba, abekele palya. Kabili Natile, “Nikwisa uko tuleya? Ni cinshi ico tulecita?” Kabili namayo uo Naleikala nankwe lyena, ulya ali ninjina nawishi. Kabili Natile, “Iwe uleenda muli ulyo musango, pamo. Bwino bwino fye, cila umo muli ifwe.” Mwamona?

¹⁷ Tontonkanyeni fye pali cena, pakashita fye akanono, ilyo tatulatendeka isambililo lyesu. Kulya eko mulelola. Cinshi ico mulewishisha? Eico imwe kuti mwaba no mweo. Cinshi ico muleikalila? Eico imwe kuti mwafwa. Bushe teti cibe ica buwelewele nganshi nga cakuti tatusumine umulimo wakwa Lesa uwa Mweo wa Muyayaya? Cinshi ico twingatontonkanyapo? Cinshi—cinshi icingaba mu mano yesu, cilya kuti catemuna amatontonkanyo yesu ukufuma . . . ku cintu icili conse? Nga cakutila imwe mwakwete ama dolla amamillioni umwanda, kabili imwe mwalikwete ubuteko bwa—bwa Indiana, nangu ubuteko ubuli bonse, nangu cibe calo, nangu, ukulingana ngefyo cilya caba, isonde lyonse?

Nga mwaikala inshita iitali nganshi, mulingile ukwisa kuli cilya, na imwe. Mwamona? Kabili lyonse, cila bushiku, inshita yonse umutima wenu utunta, imwe muli nokuyafye kuli cilya. Mwamona? Imwe, takuli ukumicimfisha imwe. Imwe muli kulubali lwa kucimfiwa, kabili, imwe, mulingile ukulusa. Lelo ibukisheni ubulayo, ukuti, “Uyo uukalufya umweo wakwe pa mulandu Wandi akausanga.” Nomba, ni cinshi icingaba icuma icakusanga ukucila u Mweo, nangula mwingsanga isonde lyonse ukuba ilyenu? Lelo, nga imwe—nga imwe mwasinga u Mweo, imwe namusanga icintu icikalamba nganshi ico cingasangwa. Ndefwaya uku . . .

¹⁸ Naloleshe ku kuboko kwakuso kwandi nokumona nakabili, ino ine nshita, icikombe cimbi ica kusenamina kwa kwa Shikulu. Nalimo imilungu inono iyapitapo, balinjitimukwasuka lamya. Kibili membala umusuma uwa ici chalichi, nangu uyu mubili... Nshilefwaya ukwita ici nganshi nge chalichi. Nde—Ndefwaya ukwita ici, cilya...

Ngefyo Nalelanda kubantu bamo, batile, “Ukuba, ci chalichi nshi mwabako?”

Natile, “Nshabamo...”

“Cilonganino nshi wabako?”

Natile, “Nangu cimo.”

Atile, “Ukuba, cinshi ico wabako?”

Natile, “U Bufumu.”

¹⁹ U Bufumu! “Kibili ku Mupashi umo ifwe tulabatishiwa muli bulya Bufumu.” Ku Mupashi umo, fyonse, muli ubu Bufumu! Yesu atile, “Peppeni, ‘Ubufumu Bwenu bwise. Ubufwayo bwenu bucitwe pe sonde, nge fyo cili mu Mulu.’” Nomba, Ena aiminine ubushiku bumo kuntansi ya Lupili lwa Sansama, Atile, “Mucine Ndesosa kuli imwe, ukutila bamo abeminine muno, tabakasonde mfwā, mpaka bakamone u Bufumu ukwisa mu maka.” Cena calilandilwe kabela, ngefyo twapita muli cena, Ulupili lwa Sansama. Kibili Baibele itila, “U Bufumu bwakwa Lesa buli muli imwe.” Eico, aba bantu aba Bufumu abo abasoso kutila kuno tekumwabo. Kuno tekumwesu. Ifwe tulelelela Ukwisa kwa Mfumu, ukutantika Ubufumu.

²⁰ Balinjitimukwasuka lamya, uwa—uwakale munyina uyo waba nga taata kuli ine. Kibili ena... Nshamewishe inshita iitali sana, lelo Ndeibukisha ubushikulu ubo Namusendele muno kulubatisho lwa mumenshi. Kibili uyu umwaume ali nokuba ili line imyaka ya kufyalwa amakumi pabula na umo. Kibili umukashi wakwe umusuma alinjitimukwasuka lamya, kibili ena pakuba nashi, atile, “Ena akwete umutima ukuleka ukubomba onse.” Lubali, ena akwete... Oh, Ndeta... tekuti njibukishe ishina. Ukusanswa kwa mutima. [Nkashi atila, “Ukufwasa.”—Kale.] Ukufwasa kwa mutima. Natotela. Ukusanswa kwa mutima, kibili nokufilwa ukutunta kwa mutima ukwapwililika. Dokota tapele isubilo, nakalya. Kibili umwaume alefwa, kibili alinjitimukwasuka lamya.

²¹ Kibili Naingile muli Ford wandi umunono uwakale, nokutendeka ukuya mumusebo waku Ohio, namaka nganshi ngefyo Ningacita, kibili nshaishibe, umo pa mipeto yandi walifumine mu mulongo, yalepwile itaela ukufuma kuli yena. Kibili eico kanshi, Naleyā kulya, nalefuma pancende babikilapo amafuta mumyotoka, munshita ya lebeni koloko, Nali uwasakamana pali ena, Na—Nalimutemwa. Kibili Ninjishiba, nga—nga yena yatwalilila, Shikulu nga akokola

ukwisa, mulandu nshi, nomba line nangu kuntanshi, ifwe tuli nokwisa lekelako umo nomubiye.

²² Lelo, cilya tacileonaula Ukusumbulwa, nomba. Mwamona? Iyo. Bena besa intanshi, lyena. Bena baliba nensambu, isho shapita. Bena besa intanshi. Mwamona? Mwamona? “Ifwe fwe bali abamweo kibili abashalapo, ku Kwisa kwa kwa Shikulu, tatwakacingilile nangu ukukanya balya abalala. Intandala yakwa Lesa ikalila; abafwa muli Kristu bakabuka intanshi. Nomba ilyo amenso yesu yamona abatemwikwa besu, lyena tukapilbulwa, mukashita akanono, mukukapakapa kwe linso, nabo bakesa sumbulwa kumulu pamo nabo.” Mwamona? Abakabalilapo ukuya bantu bakwata insambu pali abo abali nomweo.

²³ Ilyo Natampwile ukufuma mu citesheni, pa lebeni kolokofye, Mupashi wa Mushilo watile kuli ine, “Wisakamana pali ena. Iwe uli nokumuposha mukuboko kwakwe, mu musebo nakabili, kibili ena ali nokwisa muchalichi,” umwaume imyaka yakufyalwa amakumi papula na cimo, alefwa.

Ilyo Nakumenye umukashi wakwe nabatemwikwa bakwe mucipatala ku Lima, balinjebele palwa mibele yakwe. Nalingilemo, nokuleolesha pali ena mulya. Atile, “Lelo ena cintu cimo iceni.” Atile, “Ena—ena atendeke ukucinja ku busuma, pa lebeni koloko.” Ukuba, kibili kuti Na...Shikulu ali balangishe balya bantu ifintu ifingi nganshi, bena balishibe ukutila Nshacisosa fye cilya. Pantu, bena balilandile ico kuli ine intanshi, “Ena atendeke ukupilibuka.” Bena balishibe ukutila Nkabeba icine.

²⁴ Eico, pa bushiku wa Mulungu uwafumako, ilyo Naleywa mu Blue Boar Cafeteria mu Louisville, uko Ndetontonkanya nalimo icipendo amakumi cinekonse konse ica ulu lukuta lulongana pa Mulungu mu cungulo, mukulya, ninani Namwene aleisa pamusebo? Ndemweba, umutima wandi walitunta ilyo Namwene Munyinefwe Dauch aleisa palya pamusebo, filya fine ifyo Ena anjebele. Namuposeshe muminwe, pamu—pamusebo.

²⁵ Nomba Na—Nabwelele kuno palwa pa Mulungu ubushiku pesambilishi lya pakwampa, ukwa *Kwampa Kwa Fishibili Fya Nshita*. Eico...Kabili cilya caletele cilya ukufikilishiwa, filya fine Asosele. Kabili pano naikala mu chalichi ileelo, panopenefye naifwe, nga ifikombe ifya kusenamina kwa kwa Lesa. Pakumuposha pakuboko mwisamba ye tenti yamwela umo aali, Natile, “Munyina Dauch, uli nokubafye bwino. Ndi nokukumona mu chalichi nakabili. Cilya, cilya ni EFYA SOSA SHIKULU.” Mwamona? Apa ena naikala mu chalichi, pano pene nomba, Munyina Dauch.

²⁶ Nga Nshipangile icilubo, kapyunga Nacilalandapo, inshita inono iyapitapo, u Mupashi wa Mushilo walishile no kusokolola fyonse ifi fintu; ukumweba ifyo cacitike, nokumweba ifyo acitile;

ifyo cena cacitike, ifyo cena caishile fikilishiwa, fyonse ifyo filecitika ukutula palya, napa mibele yalupwa lwakwe, kibili nafyonse palwa cilya. Kibili nokumweba, ukuti, "Nacipwa." Kibili kapyunga naikala apa pene, ku kuboko kwa kulyo. Bushe kuti mwaimyafye ukuboko kwenu, mukwai? Kulya, ena nomukashi wakwe, filya fine, ino ine nshita.

Apa napekala Munyina Dauch, pano pene nomba. Oh, owe!

²⁷ Bushe Ena tawama? "Filya fintu ifyo fyali, ifyo fili, kibili fikesa fikilishiwa." Cimo, fibili, inte shitatu. "Ifintu ifyo fyali, ifyo mwacita; ifintu ifyo ifilecitika nomba; kibili ifintu ifyo ifili nokwisa fikilishiwa." Kibili cila nshita, filya finefye, filya fine pa Cebo. Ulya ni Lesa fye eka ewinga cita cilya. Oh! Bushe tatuli abansansa pali ifi fintu?

²⁸ Nomba, umulandu Nacisenda fye inshita naimbi inono, Billy aciya mukusenda umukashi wakwe nakanya. Kibili atile, "Taata, mwitendeka ukushimikila mpaka Mbwele." Eico, Nde—Ndetontonkanya ena ali kunuma nomba. Kibili Ningile ukukwata inshita itali, nangu cibe fyo. Kibili Ndeesha ukatalukako kuli aya ama ora yane aya kutitikisha ayo Ndebika imwe bonse muno, kibili ukucilengafye ukuba amaminiti amakumi yatatu na yasano, amaminiti amakumi yane, mwamona, kibili ukwesha ukucisunga.

²⁹ Nomba, Nalilandilwepo inshita imo mu Chicago. Ninkwata cena pama miniti amakumi yatatu, nangu icintu cimo, amaminiti amakumi yatatu nayasano. Kibili pa Mulungu uwafumako inshita yabushiku califye amaminiti amakumi yane na yasano. Billy atile, "Imwe mucine cine mwaesha, taata. Ndi ngo waumfwa icilumba pali imwe, pali cilya."

³⁰ Ukuba, nalimo, muno lucelo, ukucilenga ukuba icipasho icinono ice sukulu lyapa Mulungu, Nsha misunge inshita itali sana. Lyena kuti mwaya kunse nokukwata icakulya cenu ica kasuba, nokupepa, nokubwela muno bushiku pakulongana kwa kundapa. Ifwe twalapanga umulongo wakupepelwa muno bushiku no kupepela abalwele.

³¹ Nomba, nga mwalishiba abantu abali bonse, ukuli konse, abo abalwele kibili balefwaya ukupepelwa, imwe baleteni muno bushiku. Mwamona? Nga muli nokubaleta, munshila iili yonse, baleteni kuno. Mwamona? Ico ecintu icikalamba, nici, baleteni kuno muno bushiku. Bonse tulekumana capamo. Muli iyo nshila... Cili icakosa ukutuma balamya, ukuya kuncende nencende; nomba mwashako bambo, kibili kwaba imyumfwile iyakosa. Lelo nga kuti Nabasenda bonse mucifulo cimo, lyena kuti Nabapepela. Nomba, nga imwe muli... Nga bantu balefwaya ukupepelwa, bena... Mwatila, "Kuti caba ifyo?" Oh, mucine. Bena bali nokuba kuno, ukupepela umuntu onse. Pantu, Ndeumfwa ukutila cilye citinto ica butatu catendeke

ukwenda, mwamona, na—mukati ka ine. Kibili Nde—Nde—Ndefwaya ukupepela umuntu onse.

³² Nomba natupilibule, luno lucelo kwi Lembo ilyo Nabulile mulubilo mailo inshita yabushiku, nalinotulo nganshi, kibili nokulemba Amalembo nayambi ayakulundapo. Kibili ukubula ukwampana. Naumfwile munyina umo, limo, ukubomfyia ili sambililo. Kibili Natontonkenye... Nalilembele. Natontonkenye ukutila, “Ukuba, Ndecetekela Nalalemba cilya, pantu limbi kuti caba icakwafwilisha.”

Inshita ishingi tulacita cilya. Ndamona, mwebengi imwe muno, mwalikwata iciputulwa cepепala. Kibili kapyunga kuti asose cintu cimo, elyo kibili iwe uli—iwe uli nokufika pali cilye cishinka, icintu cimo cili nokuma muli iwe. Elyo kibili nga Mupashi wa Mushilo ulecita cilya, lyena muli nokutendeka ukukula ukufuma pali cilya cine icishinka palya pene, imbila yakwa Shikulu. Kibili cilya cilifye bwino. Nalimona mu misonkano, konse uko mwingaya, bakashimikila fye na bantu ukulalemba. Cilya cili fye bwino. Ifwe—ifwe tuli muno, cilya eco tubelele muno, caba ukwesha ukwafwilisha umo nomubiye mukati ka iyi misebo.

³³ Kibili nomba lekeni tupilibwile mu Kusokolola, icipandwa ca 3, pankulo yama chalichi, ukubwekeleshapo inkulo yama chalichi. Lelo nomba ifwe tuli... ifwe... kulya. Ee. Ine kuti nasenda ili sambililo limo, kibili na Mupashi wa Mushilo, ukushimikila pali Lyena imyaka umwanda umo kibili ukwabula ukufumya ico cili muli Lyena. Pantu, muli ili sambililo limo, nge ifipandwa fimbì ifya mu Baibele, Ici calikakwa pamo.

Kibili Ndefwaya ukusenda isambililo lyandi, muno lucelo, ilya ici: *Musango Nshi Ninga Cimfishamo?* Nomba, Ninsala ici pantu Ndetontonkanya ukutila ni nshita iyo tatulingile ukuleka u Mupashi wa kupuputulwa ukufwa. Tufwile twaikala mukupuputulwa, lyonse abapuputulwa, cila bushiku. Paulo atile ena ali “nokufwa cila bushiku, ukutila Kristu kuti aba nomweo.” Kibili ifwe tatulingile ukuleka kulyo kupuputulwa ukufwa, mukati kesu.

Nomba, Ukusokolola, icipandwa ca 3, kibili ukutendeka na versi ya 21, tulebelenga ici.

Uwacimfyia nkamupelo kwikalala pamo na Ine pa cipuna candi ca bufumu, nga filya ine... ukucimfyia, no kwikalala pamo na Taata pa cipuna cakwe ca bufumu.

Uu kwete ukutwi, omfwe ico Mupashi ulesosa kumachalichi.

³⁴ Bushe mwalimona u—ukutantika kwa cilya? Mwamona? “Ukwikala na Ine mu cipuna Candi ica bufumu,” te “pa cipuna Candi ca bufumu.” “Mu cipuna Candi ca bufumu,” cilya ni mubufumu Bwakwe. Mwamona? Kibili kulya, ngefyo—ngefyo Kristu aba ni Kateka, Kateka wabufumu pali ino nshita,

uwa bufumu bwakwa Lesa bonse, efyo ne Chalich cikaba na Ena, Nabwinga akaba pamo Nankwe, mucipuna Cakwe icabufumu, mubufumu bonse. Mwamona? Te “*pa* cipuna Candi ica bufumu,” lelo “*mu* cipuna Candi ca bufumu,” mwamona, uko bufumu Bwakwe bulefika. Icipuna cabufumu citeka incende, kibili—kibili incende ifikafye pamupaka apo wafika. Kibili ici cafuma mu Muyayaya ukuya mu Muyayaya. Tontonkanyeni fye pali cena!

³⁵ Nomba, ilyo tulesoma ici, ipange lyandi ilya ici tekwisafye kuno ku—ukukwata isenge naimwe mwebantu. Cili ukuti, Nalitemwa ukucita cilya. Lelo nga—nga Nalikwete ishuko ukucita cilya, kuti Naisa ku ng’anda yobe, nokuposha ukuboko kobe nokulanda naiwe, nokwikala pansi, ukulya icakulya ca cungulo pamo na imwe; kibili ukwikala pansi, mwisamba lyu cimuti ca cintelelwe, nokulanda nokukwata isenge pa kashita.

Lelo ilyo twaisa kuno, tuli pano pa mulimo umo. Ino ni ng’anda ya kulungamikwa. Ici ecipuna ca bufumu. Ici e cipuna ca bufumu cakwa Lesa, kibili ubupingushi bulefuma mu ng’anda yakwa Lesa. Kibili pano epo twisa capamo, ukukumana mukutemwa, umo nomubkiye, ngefyo abena Kristu fye beka bengatemwa. Lelo, muno, ifwe tuli—ifwe tuli pesamba lya—u—ubutungulushi bwa Mupashi wa Mushilo. Mupashi wa Mushilo ali pakati kesu. Kibili tuli pano ukuba... ukumona pakati kesu, ukumona apo incende shesu ipi, ukufilwa kwesu, kibili ifyo kwingekata ukufuma apo tulingile ukuba, ukufika apo tufwile ukuba nomba; apo tuli, kibili apo tufwile ukuba. Kibili ifyo efyo tusoma. Bakapyunga balasoma shilye ncende, ku bantu babo. Nga bamona abantu, ukukana kwata, nomba bena batampila palico.

³⁶ Nomba, ili line, Ndetontonkanya ukutila chalichi nalimo cilingle ukusenda ulutampulo ulunono pa mulu pali ino nshita. Nshipekanya ukucita ici luno lucelo, ukulangisha ifi fintu. Lelo Nde—Ndetontonkanya, nomba line, Shikulu ngasuminisha, ilyo tatulashimikila pali yalya Amapenga, Ndefwaya uku—uku—ukuletela i Chakichi icintu cimofye ico—ico mulingile ukwishiha, Ndecetekela, nomba.

³⁷ Kibili nomba ifwe tulelanda pali ici, “ukucimfyा.” Ishiwi *ukucimfyा*, mucine, namwishiba ifyo cipilibula. Imwe mulingile ukukwata icintu cimo ica kucimfyा. Kibili iyi nkulo ya chalichi iyo Mupashi wa Mushilo walelandapo pano, pa Nkulo ya Chalichi ca Laodikea, nga fintu elyo twapitilemo, calefwikwa ukwebaulwa. Laodikea ali nokumwebaulwa, pa mulandu wa yena—yena yalipusana ukulola kuli Kristu. Yena yabikile Kristu kunse, mu—mu nshita yabo. Kibili Kristu ali kunse, ukwesha ukubwelelamo mukati. Cilya kutemwa. Panuma ilyo Ena atamfiwe ukufuma mu ng’anda Yakwe Umwine, aleesha ukubwekelamo, kibili atile, “Uyo uuli nokwisula icibi, Ndi

nokwingila kuli ena.” Mwamona? Ichalichi, icine, muli fyonse, cali Mufumishepo.

³⁸ Lelo nomba moneni. Ubwide bwakwe pano tabwaba fye ku chalichi. “Uyo uwacimfya.” Mwamona? Te chalichi; ulo lukabako, mwamona, umubili wa chalichi. Lelo cena cili “uyo uwacimfya,” umuntu umo uyo ukacimfya, nomba.

³⁹ Kibili Laodekea aliciletele kuli ena. Nomba tulemona, kanshi, ukwishiha ukutila ino ni Nkulo ya Laodikea, kibili ukwishiha ukutila ino nshita ilefwaikwa ukwebaulwa ukufuma kuli Lesa. Cifwaikwa ukwebaula ukwatwa. Kibili ilyo bashimapepo baba abanakilila kibili abacepelwa amaka, nga bashikulu abakota ku beshikulu babo, conse ico bacita caba icapwililika. Kibili bena baba . . .

⁴⁰ Cena calilandwapo nganshi, ukutila Lesa ni Lesa umusuma nganshi, mpaka bena baesha ukupanga Lesa icikolwe icikalamba icabula amaka. Mwamona? Lelo Ena taba. Ena ni Taata, kibili Taata uwa bulungami, uwa kulungamikwa. Kibili ukutemwa lyonse kulalungamika. Mwamona? Ukutemwa kulalungamika. Te mulandu ifyo kwingacena, nalyo line kulalungamika.

Nyina uwacine ali nokulungamika abana. Wishi wacine ali nokulungamika. Mwamona? Ngawaba uwanakilila kabiliuwabula amaka, kibili nokucileka . . .

⁴¹ Naleciluka icimulando icakale ubushiku bumbi, kulya u—ukusamba, nangu ico icitwa icafonkolwa. Kibili Natitolokele pali yuu mulando. Kunse, walemoneka bwino, walemoneka kwati ukalamba, umulando wa cimuti. Lelo ilyo Natolokele pali wena, oh, iciputulwa icikalamba ica wena caliwile. Cali icabola nganshi nokunaka. Natile, “Ulya e musango abena Kistu babelamo.” Bena balifwa mulubembu na mu mampulu, inshita iitali nganshi, mpaka ukuba abakowela. Bena tekuti bakwate ukufina nangu kumo, nakalya. Bena—bena tabaishiba ifyo kucimfya cipilibula. Kibili Natendeke ukutontonkanya pali ili sambililo, lyena. Ukucimfya, sunga u Mweo muli iwe. Ilyo umweo bwafumine, cilya ecaletele ulyo mulando kuli ilye mibele. Mwamona? Kibili capangile cena ukubipisha ukucila lyonse ilyo cena cabikilwe mu musambo umo amenshi yali.

⁴² Elyo kibili, kulya, mwasenda umwina Kristu, uyo ulingile ukuba umwina Kristu, lekeni u Mweo wakwa Lesa ufume kuli ena, kibili nokupitamo, insansa shakubombela Kristu; kibili, ukwikala muchalichi umo ifyamusango uyo filecitika, alabola bwangu bwangu, nacilungama, ukwikala mwisamba mulya mwine.

⁴³ Eico, nga tuleesha ukukonka i Mbila ya ino ora, nangu ici ciputulwa ca Mbila, tulingile ukwikala lyonse mu Mweo wakwa Kristu. Mwamona? Pantu, nga tacilecitika, nga mwalambalala, no kwishiba ukutila ifi fintu ifyo mulingile ukucita, kibili

tamulecicita, Baibele itila, “Uyo waishiba ukucita icisuma, kabiili tacicita, kuli ena cena lubembu.” Elyo mulesa mukuba ababula amaka, ababola, ilyo mwapatulwa ukufuma ku Mweo wakwa Lesa. Eico, lwisheni na fyonse ifili muli imwe, ukwikala mu Mweo wakwa Kristu, ukutila imwe muli nokuba aba kutwala ifisabo.

⁴⁴ Tulemona iyi nshita iyo tuleikalamo. Ni imo nshita iyawamisha pa nshita shonse. Iyi Nshita ya Chalichi caa Laodikea ili iyawamishapo pa nkulo shonse isha machalichi, pantu cena empela yanshita kabiili ukwikatana kwa Muyayaya. Kabiili, nomba, enhita iyakulishapo iya lubembu. Ulubembu lwalifulishapo muli ino nkulo ukucila pafyo catalabapo. Kabiili amaka yakwa Satana yaba—yaba inshita ishingi ayakosa ukulwisha ukucila ifyo cali mu nshita ili yonse. Mwamona?

⁴⁵ Pano, kunuma kulya mu nshita shakubalilapo, umwina Kristu pakulanda kwakwe ukwa kuba ichalichi... pakuba uwakwa Kristu, kuti bamupatalako umutwe palwa ico. Ena kuti bamwipaya, kabiili afumishiwa mu bulanda bwakwe, nokuya mu kukumanya Lesa, bwangu bwangu.

Lelo nomba umulwani alisamo, mwishina lyahalichi, kabiili alebeleleka. Ino ninshita iikalamba iya kubeleleka. Nomba, Kristu alilandile ukutila, “Imipashi ibili ikaba iyapalamana sana munshiku shakulekelesha mpaka cena kuti cabepa na Basalwa bene nga kuti cacinwa.” Mwamona? Mwamona? Mwamona? Ibukisheni, Kristu asosele pa bantu abasalwa aba bushiku bwa kulekelesha. Mwamona? “Cena kuti cabepa na Basalwa bene nga kuti cacinwa.” Mupepi nganshi! Abantu balekala ifyo, abantu kuti baikala abasanguluka, umweo wamushilo; tekuba umubembu, abacende, kabiili abanwa, kabiili ababufi, abateya injuga. Bena kuti baikala pamulu wacilya, kabiili nalyo line ukwabula Cena.

⁴⁶ Iyi ni—ninshita ya Mweo, u Mweo wakwa Kristu, uko, u—umuti wa Mubili Wakwe, ifyo ifyali muli Ena.

Intanshi, mwisamba ya kulungamikwa, ulubatisho lwa mumenshi. Ica bubili, mwisamba yaku Fyalwa cipyapicya, ukwakwa Wesley, ukushishiwa, ico icisangulula. Kabiili ica citatu, mwisamba yalubatisho lwa Mupashi wa Mushilo, ukubika cilye cipe icasangululwa mumulimo. Mwamona? Ishiwi *ukusangululwa* cipilibula, lyena lishiwi lyahci Greek ilipilibula “ukusambwa nokubikwa lubali kumulimo,” ukubikwa lubali kumulimo. Nomba Mupashi wa Mushilo acibika cena mu mulimo. Mwamona?

⁴⁷ Kabiili tuli nokumona, “Ilyo umupashi wakowela wafuma mumuntu, ulaya muncende ishauma.” Cilya ni filya fine ifyo ichalichi cacita, ba Baptisti, Methodisti, abo abacetekela mukusangululwa. “Kanshi,” Yesu atile, “umupashi wakowela uyo waile kunse, nokubwelelamo kuli uyu mubili wa chalichi

nokusanga ing'anda iyawamishiwa, iyasanguluka, ukwikala uwasanguluka, umweo uwasanguluka." Cisuma. "Lelo lyena nga ilye ng'anda tayaishiwa, ukwikalamo, lyena esamo nefiwa fimbii cinelubali ifyabipa ifyabipisha ukucila ifyo ali, kabilii iciputulwa cakulekelesha ica iyi ncende yaba imiku cinelubali iyabipisha ukucila ifyo cali pakutendeka." Bena balingile ukwikala ba Lutherani, ukucila ifyo cingaba ukupokelela lulyo Lubuuto nokufilwa uku Lukonka. Eico naba Pentecosti, mwamona, namwisha ico Nepilibula, ing'anda iilewamishiwa.

⁴⁸ Ilyo Nalelanda ku muntu umo, ubushiku bumbi, atile, "Bena bali abacenjela nganshi, nangula amabumba ayengi ayamushilo, tekwita Mupashi wa Mushilo, 'Mupashi wa Mushilo,' pantu bena bailangisha abene pamoo naba Pentecosti lintu bacita ico. Batila, 'Mupashi wa Mushilo,' mwamona, talukeniko ku kusosa ukutila, 'Mupashi wa Mushilo.'" Pantu, ba Pentecosti, abantu abaseka, ba Citafye ifyo Baibebe isosa ukutila, "Mupashi wa Mushilo." Icili, Mupashi wa Mushilo na Mupashi wa Mushilo cinto cimo cine. Lelo bena baliba aposako amano nganshi palwa cena. Bena tabafwaya ukwishibikwa nabalya bantu abalandila mundimi; kabilii ulya Mupashi wa Mushilo, Uwine weka. Mwamona?

Cinshi icacitike lilya? Ilyo umulwani, uyo waile mukusangululwa, uyo wasambilwe ukufumishiwamo, alibwelelemo nokusanga ing'anda tayaishiwa na Mupashi wa Mushilo, nomba imibele yachalichi yalilundwa ne—necisaka cama chalichi, ne Cisaka ce Sonde icama Chalichi. Kabilii calo nomba ecilunda na bu Katolika waci Roma nafyonse ifyashala, kabilii nomba caba imiku cinelubali icabipisha ukucila ifyo cali ilyo caishile ukufuma mu bwina Lutherani. Kulya eko umuntu acitwala.

⁴⁹ Elyo kabilii moneni ku Nkulo ya Chalichi ca Laodikea panuma ya kupokelela Mupashi wa Mushilo, kabilii nokwisha no Mupashi wakwa Lesa mukati ka Cena, elyo kabilii imilimo yakwa Lesa yalikanwa kuli cena, nokwita Cena "umulimo uwabipa." Nomba nga palwa cilya? Palya epo Kristu abikwa ukufuma mu chalichi Cakwe Umwine. Mwamona? Ena... Cena tacatalile mulangisha Ena mu chalichi mpaka cena caishile ku Laodikea; kabilii ilyo Aile ku Laodikea, Alitamfiwe ukufuma muchalichi Cakwe, ukwesha ukubwekelamo.

⁵⁰ Nomba, moneni, ukulungamikwa takwa Mubikile mukati. Uku shilishiwa kwawamishefye incende Yakwe. Lelo ilyo ulubatisho lwa Mupashi wa Mushilo lwaisa, lwa Mubikile mabantu. Kabilii nomba bena bali Mukene, ilyo Ena atendeke ukuiangisha Umwine, ukutila Ena aba cimo cine mailo, ileleo, nomuyayaya. Bena bali Mutamfishe kunse pantu bena bapangile icilonganino, kabilii u—u Mupashi wakwa Shikulu tausuminishenye ne cilonganino cabu. Muleumfwa nomba? Ukutila, bena bali Mutamfishe panse. "Ifwe tatulefwaya

icakucitapo nokubelenga amano. Cena cili—cena cakwa ciwa. Cena kubuka. Nangu...” Mwamona?

Tabeluka. “Amenso, kibili tekuti bamone; amatwi, kibili teti bomfwe.” Mwamona? Lesa esula amenso ngefyo Alefwaya. “Ena akosha uo Ena akosha, Ena afwaya, kibili—kibili—kibili apela u Mweo kuli abo abo Ena akabila.” Filya efyo Amalembo yasosa.

⁵¹ Nomba, tulemona aya ma ora ayo tulimo, ici cipandwa, kibili tulemona ifyo cena cali. Kibili Mupashi wa Mushilo alekalipila inkulo iyo iya Mubikile kunse. Lelo, muli fyonse filya, bushe mwalimona, “Kuli uyo uwacimfyia”? Nangu ni muli lilye sonde, inkulo ya chalichi iyabipa, “Uyo uwacimfyia.”

⁵² Tulesanga pano ukutila Lesa lyonse alakwata bakacimfyia. Ena alikwete bakacimfyia muli cila nkulo. Lyonse kulaba, inshita yonse, munkulo yonse iyatala bapo pesonde, Lesa lyonse alakwata umuntu umo uo Enga bikapo amaboko Yakwe, nga kambone mwisonde. Ena tatalabapo ukwabula inte, nangula inshita shimo fye umofye. Lelo umuntu umo alacimfyia, nomba, nga ba mushilo abakale.

⁵³ Kibili u—umuntu umusuma nganshi, kasambilila, alesosa, panuma ya *Fikakatikilo Cinelubali*, atile, “Munyina Branham, iwe ukuba ka—uupalanya, kapashanya, ntile,” atile, “musango nshi ukbikilamo cilya Chalichi mu Kusumbulwa ukwabula inshita ya Kupakaswa, mucipasho?” Atile...

Mwamona, nga cena cipasho, kulingile kwaba i... kulingile kwabako... Nga kuli icishapala, kufwile kwaba icipasho cacilya icishili icipasho icakufumako. Kibili nafyonse fintu Nalanda, ico cishinka, calikwata icakupashanya. Calikwata icakupashanya. Iwe naukwata icinshingwa. Kibili Baibele yatile, “Ifintu ifyakale fyali cinshingwa ca fintu ifipyia ifili nokwisa.”

Atile, “Lelo nomba iwe wasenda Icipingo Cakale nge cinshingwa. Nomba,” atile, “ni cinshi ico uli nokucita neci Chalichi?”

⁵⁴ Uyu muntu afuma ku... Umwaume umukalamba, kafundisha umukalamba uyo cibusa wandi uwapamutima, umuntu umusuma nganshi, kibili ena ni munyina umusuma. Ine—Ine tekuti nsose ishiwi limo ukususha munyina. Ine tekuti ncite ico, nangu cibe fyo. Nga—nga i... Ngo mwina Kristu, Ine tekuti nsose nangu cimo ukumususha. Ena—ena—ena tasuminishanya naine pali lilye sambililo limo, lelo ena—ena ni munyinane musuma. Ifwe tulya capamo. Kibili, oh, ena muntu fye musuma. Ndabula ibuuku lya magazini lyakwe, nokubelenga fintu alemba. Kibili alalemba yamo payandi, nafimbipo. Kibili Nalisenda ifyakubelenga ifingi ukufuma kufyo Na—Na libelenga—ukubelenga ifyalembwa fyakwe, ukumfwa ena ukusosa. Ena muntu umukalamba, lelo ena—ena tekuti asuminishanye naine. Ndetasha cilya,

pa bufumacumi bwakwe. Nangula ena tacita fye, umo uwa uwapabantu abashakosa, asuminishenyne fye ne fintu fyonse ifyo mulesosa. Ena alikwata ukushininwa kwakwe umwine, kabilo alebwimininako. Ndetasha pali cilya. Kabilo ena muntu musuma. Oh, Ine—Ine nshili kafundisha nangu kasambilila, nangu pali fyonse, lelo uyu muntu aba fyonse fibili kafundisha na kasambilila.

⁵⁵ Lelo Ine—Ine tekuti musuminishanye nankwe, pantu Nshilecimona. Lelo, cena tacikumine kwi pusukilo, cena cakuma ku Kwisa kwa kwa Shikulu. Ena amona ukutila i Chailchi cilingile ukupita mu nshita ya Kupakasa, ku kuwaminishiwa. Ndetila u Mulopa wakwa Yesu Kristu wali sangulula i Chalichi. Mwamona? Tacilefwaikwa i . . .

Ndecetekela ukutila ichalici cikapita munshita ya Kupakasa, akabungwe ka chalichi, lelo Nabwinga taciteco. Bushe kuti wasala namayo uo ufwire ukuwamya cibe taulamupa? Mwamona? Nabwinga wakwa Kristu alisalwa, kabilo Ena alisalwa. Kabilo Ena ni Nabwinga wakwa Lesa, Nabwinga wakwa Yesu Kristu.

⁵⁶ Kabilo nomba atile, “Musango nshi uli no kupashanya cilya, nga ulya Nabwinga aleya, aleya mu mulu ilyo Ena talaya mu nshita ya Kupakasa?” Atile, “Ninkwata Amalembo ayalemilanga ukutila i Chalichi caba munshita ya Kupakasa.”

Natile, “Belengeni fye Icikakatikilo ica Mutanda, epela fye, ena ali palya pene mu nshita ya Kupakasa. Lelo sangeni, lintu fye cilya tacilabapo, Nabwinga naya. Mwamona? Ena ali mu Bukata pali ilya nshita. Ena ttakwete ukuwamishiwa.” Mwamona?

“Uyo uwacetekela muli Ine nakwata u Mweo wa muyayaya, kabilo takese mukwebaulwa nangu u Bupingushi, lelo nafuma mumfwa aingila mu Mweo.” Kristu apele ubulayo ukutila ifwe tekuti twiminine pa Bupingushi. Eico Asendele fye icifulo candi, mpaka Naba fye umuntungwa. Ilyo Nabelelwo luse, Nimbelelwo luse. Kuti Amfumyamo shani mwituka lyacikatilo, nokukwata lishiti nga . . . Bushe kuti Aba shani Kalubula wandi, nokumfumya mwiktuka lya fikatilo, kabilo kekatila atila Ncili wakwe? Ninkwata lisiti ilitali, ameni, mwamona, ilyalembwa no Mulopa wakwa Yesu Kristu. Mwamona? Nomba, muli ico, apa epo twisa.

Atile, “Nomba, musango nshi walakwata, ukupatula ulya Nabwinga uwasalwa iwe ulandepo nomba, musango nshi muli nokubika Cilya mwisamba ya cipasho?”

⁵⁷ Natile, “Cisuma nganshi.” Ndesosa, “Ici cili apa. Nomba, muli Mateo, icipandwa ca 27 na vesi ya 51.” Nga ifwe . . .

Lekeni ncibelenge, elyo kabilo ifwe—ifwe twalacumfwa bwino. Elyo tulesanga ukutila nga cakutila calipashaniwa nangu iyo, nga cakutila ni Nabwinga uwasalwa. Mateo, icipandwa ca

27 kibili na—kibili na versi ya 51. Cisuma. Tulebelenga ici, pa kutanikwa kwa kwa Shikulwifwe.

Kibili, moneni, icipembe ce tempele calepwike pakati ukutula pa mulu ukufika pansi; . . .

⁵⁸ Nomba, lilya lyali lifunde. Amalango yapwilile palya pene. Pantu, icifimbo casungile ulukuta ukufuma kufyakufwala fyamushilo ifyakwa Lesa. Shimapepo fye uwasubwa aingile mulya, kibili, ukuti, muku umo pa mwaka. Mwaibukisha? Nomba, Lesa, nokuboko Kwakwe Umwine, moneni, “ukufuma pamulu ukufika pesamba,” tekufuma pansi ukufika pamulu. Mafiti amakumi yane mukulepa. Lolesheni, tekufuma pansi ukufika pamulu, lelo “ukufuma pamulu ukufika pansi,” calangishe ukuti cena cactilwe na Lesa. Alepwile icifimbo muli fibili, lyena nangula, uuli onse, uyo onse ulefwaya, kuti aisa nokukwatako kumushilo Wakwe. Mwamona? Cisuma.

. . . ukufuma pamulu ukufika pesamba; kibili nesonde lyalilepwike, kibili nefimabwe fyalilepwike;

Kibili inshishi shaliswilwe; kibili imibili iingi iya ba mushilo abo abaleleme,

Kibili bafumine mu nshishi panuma ya kubuka kwakwe, . . . aile mu musumba wa mushilo, no kumonekela ku bengi.

⁵⁹ Pali balya Abasalwa, ulya Nabwinga. Teconse ichalichi ca ci Yuda caishile pali ilya nshita. Bonse fye balepela ilambo limo line. Bonse muli bena bali pesamba lya mulopa uwasumishiwa uwa mwana wa mpaanga. Lelo kwaliko Ibumba ilyasalwa; kibili lilye Bumba ilyasalwa, lilya line fye ilyo icintu caishile, abo mucine cine bacetekele muli Cena no bufumacumi. Nomba Ndaisa kwishiwi ilya *kucimfy*. Nomba sungeni cilya. Aba abacimfishe icine cine, mubufuma cumi ukupanga umusangulo umo wine uo abashala bapangile, lelo, mu bufumacumi, ukucimfyia ifintu fya mwisonde. Ilyo icikonsolwelo mukulungamika capangilwe kuli bena, bena bali mu paradise mpaka ilya nce- . . . ilya nshita. Ilyo ilya nshita yapangilwe, bena balicimfishe nokutusha, ukusendama; mwamona, “imibili ingi iya balya abalele mulukungu,” mwamona, abalele.

⁶⁰ Nomba, nga twalikwete nshita, kuti twabwekela kuli Daniele, ilyo, Daniele, ulya uwasalwa uyo uwacimfishe. Kibili Atile, “Isaleni Ibuuku, Daniele, pantu mukatusha muli imwe. Lelo ilyo Cilolo akesa, uukemininako abantu, imwe mukeminina muli lilya ibumba.” Ici apa. Daniele, uyu kasesema wakwa Lesa, amwene inshita yampela ileisa. Kibili Atile, “Daniele, uukeminina nebumba lyobe pali bulya bushiku.” Kibili uyu ali apa, alishile; te Israeli onse, lelo icipasho cakwa Nabwinga ica mu Israeli. Nomba, Israeli uwashala taishile mpaka ukubuka kwa cintubwingi.

⁶¹ Kibili nomba, pa Kwisa kwa kwa Shikulu Yesu, abo mucine abakutemwa Ukwisa Kwakwe, abo abaleikalila pali kwena; ilyo Ena akamonekela mulwelele, i Chalichi ico cafwila muli Kristu cikema, kibili balya bakapilibulwa mukashita. Abashala bonse tabakeshibepo nangu cimo palwa cena. Ibukisheni, "Amonekele kuli balya mumusumba." Mwamona? U—u—u Kusumbulwa kukaba nga filya. Ifwe tuli nokumona cila umo nomunankwe, kibili tuli nokubamona. Ilyashala isonde talyakabamone. Cikasendwa ngokuya kwamubumfisolo. Ukulolela inshita!

Elyo ukubwekela pesonde kuli ilya imyaka Ikana limo ilya bukata, elyo imyaka ikana limo... "Abashala abafwa tabali nomweo pamyaka ikana limo."

⁶² Kibili elyo kwaishile ukubuka kwa cintubwingi, uko, Israeli onse... Kibili nacimbi, lolesheni kulya, abatumwa ikumi limo nababili, ifikolwe ikumi nafibili, fyonse falimininweko. Kibili ifwe tatwatalile atufika kuli cilya nomba. Nalimo, Shikulu ngasuminisha, twalaisa kuli cena mu Cipingo, ifyo filya ifibumba fya jasper, na mabwe ikumi limo na yabili, impongolo ikumi limo na shibili, imifula ikumi limo na fibili, fyonse filya ifya ifyaiminweko. Aba bali pano pafipuna fya bufumu ikumi limo nafibili, inkombe shabu malaika isha shilye nshiku, ukupela ubupingushi pali abo abakene imbila yabo. Ameni. Kulesa ilya ora iikalamba. Ee.

⁶³ We bushiku we, wenshita iyo tuleikalamo we! Ifyo tulingile ukumona, i Chalichi. Nomba tulelanda pali ifi ifintu ifileisa, ifili nokwisa. Nomba, ileelo, natubwekele kunuma uku nokumona, ukuicencenta fwebene nokumona nga cakutila tuli abalungama mu Citetekelo.

⁶⁴ Nomba lekeni tulande pali bakacimfyा abanono pama miniti ayanono, munshiku shakwa Noah, ico capashaniwa na Yesu Kristu, ukuba nge leelo.

Ningile ukukwata ama miniti ikumi. Nomba Nalakokola pali citika wa ora. Nalatendeka fye, ibula lyantanshi. Nalatolokela fye ayanono aya yena, nga kuti Nacita ico, nokusenda ifyo...

⁶⁵ Mu nshita yakwa Noah, icipasho celelo: Yesu asonteletele kuli cena, kibili atile, "Ngefyo cali munshita yakwa Noah, efyo cikaba namu Kwisa kwa Mwana wamuntu. Munshita yakwa Noah, efyo cikaba napa Kwisa kwa Mwana wamuntu." Moneni, kwaliko lyonse lilye sonde ilyakale, nalimo ilya bantu ama millioni, kwaliko bakacimfyा cinekonse konse. Abantu cinekonse konse ukucimfyा, abo abali abacine, bakacimfyा abacine. Kwali abana baume batatu abakwa Noa nabakashi babo, kibili Noa nomukashi wakwe. Cinekonse konse ukucimfyा, abo abaingile mucibwato pansiita iyalinga. Musango nshi bacicitilemo? Balyumfwile ku Cebo cakwa Lessa. Bena tabaiketwe kunse ka mwinshi. Bena baiketwe mukati kamwinshi.

⁶⁶ Oh, mwe banandi abatemwikwa, mwileka ulyo mwinshi wisalike. Yesu atile, “Ngefyo cali muli bulya bushiku, efyo cikaba na pa Kwisa kwa Mwana wamuntu.” (Natotela, munyina.) “Efyo cikaba napa Kwisa kwa Mwana wamuntu.” Nomba, kuli umuntu umo uwalaikatwa kunse kaulyo mwinshi.

Abengi muli bena limbi balikwete amapange ayasuma, kibili, “Ubushiku bumo, nge fintu fyamusango ifi ngafyacitika, tuli nokuyamo pamo na Munyina Noa, pantu ena muntu musuma.” Lelo, mulemona, cena caishileingisha fye cinekonse konse mukati.

⁶⁷ Nomba tontonkanyeni nganshi nomnba. Nga cakutila ulelambalalafye uleba uwabula amaka, ingilamo. Angufyanyeni, bwangu bwangu, pantu umwinshi kuti waisalika inshita ili yonse.

⁶⁸ Kibili lyonse kulaba icipao mubwikashi bwakwa Lesa. Mwali icipao munshiku shakwa Noah, kukupusushiwa kwa bantu Bakwe. Mwali icipao munshiku shamalango, icipao cabunte. Munshiku shamalango, bena bakonkele icipao.

Kibili kuli ubwacitatu nomba; nga filya inshita yakwa Noah, inshita yakwa Loti, kibili nomba iyi nshita. Kuliko icibwato nomba. Kibili cilya cipao tacaba icilonganino, nangula imilimo isuma iyo mucita. Caba “ku Mupashi umo,” Abena Roma 8:1 itila, “ifwe bonse tulabatishiwa mu Mubili umo, mubuteko bwa bulyo Bufumu, ulubatisho lomo ulwa bu Mupashi.” Te mulandu ifyo waba umusuma, ifyo wingaba uwabipa, fyonse ifyo muli muli bulya Bufumu ku–ku lubatisho lwa Mupashi wa Mushilo. Mwamona? Ilya enshilafye yeka mwinga cimfishamo. Cena e fyonse ifili pesamba lya Mulopa uwasumishiwa e bakacimfyia, pantu imwe tekuti mucimfyie, mwebene. Ni Uyo uwa mucimfishe. Imwe muletusha.

⁶⁹ “Musango nshi Ningeshiba nomba, Munyina Branham, ukutila Ndi Mulya?” Moneni umusango wamweo uo muleikala. Lolesheni fye mumbali. Moneni nga cakutila nacikala fye muli imwe, ukuicitikila icine. Nangu, bushe mulingile ukufunshika nokutinta, mwamona, nomba mulecicita. Lelo mwiesha ukucicita. Bushe mwalitala amwesha? Ee. Mwiesha.

⁷⁰ Ngo kubika ukuboko kwa kanya mucipunda umupita amaboko mucakufwala, mwamona. Ena alifye pamulu, palya, kibili ifintu fyonse ifyashala. Mwamona? Ena tekuti acicite. “Fwala ikoti lyobe, we mutemwikwa.” Ena tekuti acicite. Akakuboko akanono naka pamulu, panshi, ukushinguluka. Cena cisenda ukuboko kwenu ukushitelententa.

Oh, ifyo Ndi uwansansa, kuti Napelafye ukuboko kwandi kuli Taata, tila, “Shikulu Yesu, Ine tekuti nyngile Mulya. Imwe ngafwilisheni. Mfwalikeni ikoti.” Naleka ukwesha. Lekenifye Acicite. Mwamona?

⁷¹ Nga akanya akanono katwalilila ukwesha nokutila, “Oh, Ine kuti nacicita. Ine kuti nacicita.” Kabili ena kulayafye konse konse. Ena tekuti acicite.

Nangu nimwe, nangu Nine teti tucite, lelo nga ifwe tuli nokwikatililafye shilili nokuleka Ena ukucicita. Ukuipela fye kuli Ena, “Pano, Shikulu, Ndi pano. Lekeni fye—lekeni fye mbe nangu cimo. Nde—Ndeipela. Imwe bikeni ukuboko kwandi mucifulo icalinga.” Kulya e kucimfy. Kulya e kucimfy.

⁷² Icintu uwile ukucimfy niwe wemwine, itontonkanyo lyobe, icintu cobe, kabili ipele kuli Ena. Ena ukukucimfisha. Ena alishiba umusango; ifwe tatucita.

⁷³ Lelo munshita yakwa Noah kwaliko bakacimfy cinekonse konse, kabili cilya e caingilemo. Bena baliketwe mukati.

Nomba lolesheni, mwe banandi. Ndecetekela bena baleambula ici. Kabili nga cili pacitunshi tunshi, nangu te c....njeleniko, tepu. Conse ico mucita, ninani ulekutika nomba, nangu ninani uli nokumfwa panuma ya ino nshita, cili ninshita yabushiku nganshi, kabili imwe mwalikwata amapange ayasuma, lelo sendweni mukati. Nomba, mwiesha ukulwisha. “Te uyo uwaya, nangu uyo ubutuka, lelo Lesa.” Lekeleni fye Lesa. Ipelenifye mwebene kuli Ena kabili twalilileni ukwenda, necapwililika icicetekelo, ukutila, “Ifyo Lesa alaile Ena ali uwalinga ukubomba.” Te kuilunda ku cilonganino cimo, icilonganino cimbi, ukubomba *ici, cilya*, nangu *icinankwe*, ukwesha *ici*. Ukuipela fye we mwine kuli Lesa, nokwenda na Ena, umutende, ukuba tondolo, ukwabula ukulekapo. Twalilileni fye ukwenda na Ena. Ico cishinka.

⁷⁴ Cilya eco Naebele munyinefwe uwaakwete fye u—ukukana bomba. Mwamona? “Ukuipela fye kuli Ena. Ena ali pano, Ena Uyo uwaishiba ifyo wacita, kabili ne fyalengele ubuntu bwenu nokucita muli *uyu* musango, kabili nafyonse filya. Ena alishiba fyonse palwa imwe, kabili nomba Ena namweba fye nakabili ifya kucita. Nomba,” Natile, “icintu fye cimo ico mulingile ukucita caba fye ukuya cicita. Ici ekutila, ukulabako inshita yonse iyakale, ukwenda, ukwikalila kuntanshi, mu Bukata na Mukubapo kwakwa Lesa.”

Cinekonse konse bakacimfy.

⁷⁵ Munshiku shanshita yakwa Daniele, kwaliko bakacimfy bane abo abaiminine ubwesho bwa mulilo nenkalamo.

Nomba, ifwe tuleenekelwa ukweshiwa. Lilya lisambililo ilisuma ilyandi—munyinane kunuma uko, pamo. “Uyo uwisa kuli Lesa alingile intanshi ukweshiwa.” Ukweshiwa (cinshi?) ne Cebo. Kulya ekwesha kwa kwa Lesa. Bushe mulecicetekela? “Uyo wisa kuli Lesa alingile ukweshiwa.” Cilya cilangisha fye umwana waccine, kanshi, mwamona, ukweshiwa. Kabili ilyo ukweshiwa kwaisa...Imwe tekuti mucimfiwe kano fye kuliko ubwesho ubwapelwa kuli imwe. Kabili ilyo ukweshiwa

kwapelwa, kumona nga cakutila kuti mwacimfyा nangu iyo. Kibili Yesu atile, "Kuli uyo uwacimfyा," ukweshiwa. Ubwesho ecintu icikalamba nganshi icacitikapo kuli imwe. Ndecetekela calilembwa mu Malembo, Petro atile, ukuti, "Amesho yesu yaliba ayauma umutengo kuli ifwe ukucila golde iisuma." Yena ninshita yakweshiwa. Cena cishininkisho icisuma kuli ifwe ukutila Lesa ali naifwe, ilyo ifwe twaeshiwa, pantu abana bonse abakwa Lesa baeshiwa nokwesha.

⁷⁶ Kibili Daniele, umuntu, kasesema; Shadrachi; Meshachi; na Abednego; Daniele ali kasesema; kibili cilya cali iciputulwa ca Chalichi muli bulya bushiku, Ndepilibula, Nabwinga. Kwalibako ama chalichi ayengi, nalimo ba millioni babili aba bena baile kulya. Lelo kwaliko... Cilya cali iciputulwa cakwa kacimfyा. Kibili balya bakacimfyा babikilwe pa kweshiwa. Kibili kacimfyा onse alingile ukubikwa mukweshiwa. Kibili ilyo batile, "Ubwekeshe ifyo i Cebo cisosa, nangu limbi kuposwa mwilungu lya mulilo," bena balikene icintu cimbi kano i Cebo.

⁷⁷ Kibili ilyo Daniele apelwe ukweshiwa, ukutila alingile ukubwesha ifyo i Cebo casosele, ukutila bena balingile ukushintilila ukulola kwi tempile, ngefyo Solomoni apepele, kibili Ena ali nokubapokolola ukufuma ku fintu fyonse, Lesa kuti aumfwa ukufuma ku Muulu kupepa, nga kuti balolesha ukulola kwitempele nokupepa, kibili atile, "Ngo muntu apepa mukati kaishi nshiku, kibili ifwe tuli ba Medo-Persians, abashinga cinja nangu ukupilibula amafunde, uyo muntu ali nokuposwa mwilingu lya nkalamo," bena balimuteyele iciteyo, ena, Ndecetekela ulya kasesema alishibe ico, lelo balimuteyele iciteyo, aendele uwaicefyा, ilyo inshita yafika iyakuti apepe, ilyo, ena aishibe, kuncende yakumwabo mu Yerusalem, kwali ilambo ilyalepya pa cipailo, Daniele tatinine shilya inengu.

⁷⁸ Aimishe ifyakucinga, nokuposa ifyakufimba pama windo, kibili afukeme pansi pa makufi yakwe, kibili abikile amaboko yakwe kuli Lesa nokupepa. Mulandu nshi? Ukuba no mweo nangu ukufwa, alikwete ukucimfyा. Kibili, eico kanshi, ukucimfyा ukwingi nganshi mpaka inkalamo tekuti shicilye. Ena—ena alicimfishe.

⁷⁹ I... Shadrachi, Meshachi, Abedinego balikwete ukucimfyा nganshi mpaka inkalamo...mpaka umulilo wafilwa ukucoca. Namwishiba, ukucimfyा cintu cakosa ukoca ukucifumyapo, nangu ukulya, nangu icintu icili conse. Mwamona? Eico, bena, bena balicikwete.

⁸⁰ Ine limbi kuti nalumbula umuntu umbi. Mu nshiku shakwa Loti, Yesu asontelele kuli cena, kwali fye batatu abacimfishe, Loti na bana bakwe abanakashi babili. Te mukashi wakwe; ta cimfishe. Ena—ena atendeke. Ena cipasho. Ndekabila nga twalikwete nshita. Ba miniti amakumi yatatu bali fye pamulu

ino ine nshita. Mwamona? Mwamona? Ena, ena alicitile fye bwino, ena alifuminepo.

⁸¹ Nomba Ningile ukupela ici kuli imwe, pakashita fye. Mwebengi imwe namufuma, pamo. Mwebengi imwe mwalisha ifi fintu, ukusenda ukwiminina kwenu, panuma ilyo mwa Cifwaya ukupita mu Malembo noku Cisanga cili icalungama. Mwalimwene icishininkisho icakwa Lesa Impalume; tekuli bamo, ifyo muntu umo *asosele* cali icishininkisho. Ifyo Baibele yasosele ukutila cikaba, kibili pano Cena cilecicita. Mwalimwene Cena cali Icine. Eico, imwe namwima, ukufuma mu Sodomu, sheni icilonganino, sheni ifintu ifimikakila kucisumino; nokukonka Kristu, ku Mupashi wa Mushilo ukuishininkisha Umwine ku Cebo cakwa Lesa icaletbwa. Mu mashiwi yambi, imwe mwalisenda Baibele mucifulo cacisumino. Imwe mwalitantika, ukukonka.

⁸² Ukuba, umukashi wakwa Loti acitile icintu cimo cine, namwishiba. Ena alimine, ukuya na Loti, ukukonka umulume wakwe, abana bakwe, abatemwikwa bakwe, lelo Cena tacali mumutima wakwe. Ena acili alitemenwe isonde. Eico kuti caciwa imwe kuti mwatendeka, kibili nalyo line ukuba isonde muli imwe. Mwamona? Ena tatalile acimfyा. Kibili nangula ena ali umutuntulu mumusebo, cena mukulekelesha camufumishepo ena. Alingile ukulolesha umuku umo uukalamba, ukutali, ukulolesha kwakulekelesha. Apo epo aiketwe. Mwilalolesha kunuma. Mwilakwata ukukabila. Twalilileni ukulaya. Bikeni amano yenu pa Kalbale nokutwalilila ukuya kuli Kristu. Mwamona? Mwamona?

⁸³ Ena atendeke, nga kacimfyा, lelo ena tatalile cimfyा. Oh, ashile icilonganino. Alicitile ico. Afumine mu Sodomu, na Loti. Lelo alefwaya ukubwekelamo nokubeye mishishi yakwe. Namwishiba ico Nddepilibula. Mwamona? Ena ali nokubweelamo. Ena alifiliwefye ukwiminina pa—pa kweshiwa. Ena alingile ukulolesha kunuma nakabili, ukumona ifyo abashala balecita. “Oh, namwishiba, Nalikwete abanandi bamo abasuma kwisamba kulya, nangu cibe fyo. Kibili, nangu cibe fyo, uku limbi kuti kwaba fye ukusela ukunono—ukunono. Nshishibe nga cakutila kuti caba icalungama nangu iyo. Ine—Nkwete fye icebo ca uyu muntu pali cena, nangula mulume wandi. Lelo nomba...” Kacema obe mulume obe, ukulanda mufya bumupashi, mulemona. “Nomba, nga cakutila kuti caba icalungama anangu iyo, Nshishibe. Nalimo ena, ubusokololo bwakwe tabwali ubwalungama.”

Kanshi, nga imwe tamuli abaikushiwa umupwilapo, tamuli abaishiba mukupwilika ukutila Cena Cebo cakwa Lesa, lyena—lyena imwe tekuti muye. Mwamona? Imwe mulingile ukushitishiwa mucine cine. Imwe mulingile ukwishiwa. Tekusosa fye, “Ukuba, Ndemona bambi ukucicita. Ndemona icishibilo.”

⁸⁴ Namewishiba, Israeli atendeke ukuya, kuti Nasosa icintu cimo cine nokucileta muno. Bena batendeke ukwenda, ba millioni bibili abamaka, no kupwisha nabaume bibili. Nacilungama. Balimwene imilimo yakwa Lesa. Balimwene imibombele ya Mupashi. Balimwene ifipeshamano ifikalamba, ifipeshamano ifyapulamo ukucitwa kulya mu Egypto, nefintu fyonse, nokutendeka ukwenda. Lelo cena—cena tacali mumitima yabo. Bena taba cimfishe. Bena baishile fuma fye. Kabil Yesu atile, “Kabili balyonaike mumatololo,” kabili bena balifwa u Muyayaya. “Cila umo uwa bena balifwa,” cilya cilepilibula ukupatulwa ukwa Muyayaya. Cila umo muli bena abolele mumatololo.

⁸⁵ Lelo kwali abaume bibili, Yoshua na Kalebu. Kabili ilyo caishile kucilangisho, ifyakucinga fyali ifikalamba nganshi mpaka bamoneke nge fipaso kuli bena. Yoshua alibilikishe na Kalebu, kabili atile, “Ifwe tuli abacila napa kucicita.” Mulandu nshi? “Lesa efyo asosa.” Kabili bena bali bakacimfy. Bena balicimfishe. Bena bali ni abo abali abashuka, ukufuma muli kalya kabungwe akakalamba aka bantu, ukusenda icituntulu, Nabwinga uwasalwa mumpanga yabulayo. Yoshua na Kalebu muncende yakuntansi mubulwi bulya, nga abakalamba bibili, babatungulwile ukuya pansi ukya kucimana, nokutoloka icimana, ukuya mucalo cabulayo. Mulandu nshi? Bena bacetekele i Cebo, temulandu ifyo cili.

⁸⁶ Nomba, Dathani alimine. Dathani, ntile, ali ima, kabili nao Kora alimine, kabili bena balyeseshe ukutila, “Uyu muntu aleesha ukuilenga umwine ukucila ifwe bonse; ena ali uwamushilo nganshi ukucila abashala bonse.” Panuma Lesa ashininkisha bwino bwino umwaume. Batile, “Twalatendeka fye ibumba lya bantu kabili twalapanga *ici, cilya, nangu icibiye*, kabili tuli nokupanga utubungwe twesu, tuli nokucita...” Kabili balifwile nokonaika.

Lelo balya abaume balikwete cilye Cebo cakwa Shikulu, kabili balikele na Cena, kabili balipitile.

“Te uyo utendeka; uyo upwisha.” Abengi balatendeka ulubilo, lelo kuliko Umo uulecipwisha cena. Kukaba ama chalichi ayengi ayakatendeka, amabumba ayengi ayabantu. Kukaba Ibumba limo ilikapwisha. Balya ebakacimfy.

⁸⁷ Mu bushiku bwakwa Loti, ee, alingile ukulolesha umuku umo uuukalamba, ukulolesha ukutali kunuma. “Oh, Ndeya *Wakuti-na-wakuti* kwisamba kulya, shilye nshita ishisuma isho twalekwata. Nshakatale labako.” Kabili aliketwe, ukwisalilwa panse, nga filya cali munshiku shakwa Noah. Ena alisalilwe kunse, ukwabula uluse, kabili ena alifwile. Kabili u—umupili ucili waliminina palya ileelo. Bena batila (Nshishibe) imwe kuti mwaputulako iciputulwa ukufuma kuli cena kabili cena cikakula, intumba ya mucele. Bushe mwalitala monapo cilya

cikope ca *Sodomu Na Gomora*, muli nokumona ntumba yapa kutendeka iya mucelle iyo yaiminine kulya.

⁸⁸ Nomba, kwalibako ubupusano pakati ka ntumba ya mucelle ne Ntumba ya Mulilo. Mwamona? Imwe mulingile ukupilibuka inshila imo. Ee.

⁸⁹ Moneni, muli Yohane inshita ya Baptisti. Muli Yohane inshita ya Baptisti, kwasangilwe mutanda iyacimfy. Munkulo shonse, bena balikwete bakacimfy. Mu nshita yakwa Yohane bakwete mutanda, ulya ali ni Yosefe na Maliya, Zakaliya na Elisabeth, Simeone na Anna. Umwaume no mwanakashi, umwaume no mwanakashi, umwaume no mwanakashi; mwamona, icipasho cakwa Kristu, i Chalichi; Kristu, i Chalichi; Kristu, i Chalichi; Kristu, i Chalichi. Mwamona? Mwamona?

⁹⁰ Moneni, cena ciletendeka ukufuma kumuntu wacifyalilwa. Iyo-... Mo-... Yosefe, umuntu wacifyalilwa, Yosefe, ena ali nicinshi? Kapala wambao. Elyo shimapepo, ena ali nicinshi, mwamona? Kapyunga mu ng'anda yakwa Shikulu; Zakaliya. Kibili ukufuma kuli cilya, ukuya kuli Simeon, kasesema na kasesema mwanakashi. Mwamona?...?... Ukulungamikwa, ukusangululwa, ulubatisho lwa Mupashi wa Mushilo. Ameni. Bushe tamulecimona? Mukupwililika. Ukucimfy mutanda. Bonse abashala, bena bapele ilambo lyabo ne intu fyonse, lelo aba bali Abasalwa. Bena bali cimfishe.

⁹¹ Moneni cila nkulo yachalichi. Ukucimfy kumo kwine ilyo bena, cila mwana ukufuma muli cila nkulo yachalichi ukucimfy ubwesho bwa ilya nshita. Ninkwata Amalembo pano. Nshiletontonkanya ukutila ifwe mucine twalikwata inshita iyalinga ukucicita, lelo twalishiba cila imo iya nkulo yama chalichi. Cimo cine nomba. Cili kwati muntu umo uyo uuli...

⁹² Mwamona, ngefyo Nasosele pakutendeka, imwe mwalyifalwa. Kibili kulya kufyalwa tekuti ku kulete ku-ku Mweo, pantu mwalyifalwa ukucimfiwa. Kibili muli mwisonde ilya cimfiwa, pakati kabantu abacimfiwa, pakati kafisumino ifyacimfiwa, ifilonganino ifyacimfiwa. Ufwile ukwisa kukucimfy munshila imo.

⁹³ Cabafye nga cananika. Inga... Cananika, Ndetontonkanya, nilimo pamaluba ayawamisha ayo ayabako. Nalitemwa nganshi aya amaluba yamusango wacananika wamufikulwa na cananika wamumumana. Ndetontonkanya ukutila tapaba icintu icawamapo ukucila umukalamba cananika wamucishiba, iteni ukutila cananika wamumenshi. Wekusaniaka we! Nomba, nikwisa kufuma? Kalubuto akanono, pansi pamatipa, apalamba pacishiba. Kibili lulya lubuto ulunono, nomba, konse ukusanika uko lukatala balika muli lwena, kwaba muli lwena lilya line, ilyo yaba muli yalya matipa. Lelo cilingile ukulwisha, cilabushiku, ukwishiha ukutila kwalibako icintu cimo. Cintu cafita. Cena calamba. Cena cafiko. Cena

matipa yafiko. Mumatipa yafiko umo lileikala, lelo lisunka ukupita mumatipa, mumatipa yafiko, namenshi, nencende ishishisela, mpaka yena yafumishe umutwe pamulu, mulubuuto, nokulangisha ico icafishilwe muli cena inshitafye yonse.

⁹⁴ Ndetontonkanya ulya nikacimfya, ukutila, umuku umo mulubembu, inshita imo acitile ifintu ifyo fyalubana, mwisakamana palwa cena nomba. Inshita imo ifintu ifyalubana, lyena, nomba cinshi lolesheni kunuma mucishiba nakabili? Mwamona? Lolesheni, imwe namukwata . . .

⁹⁵ Lesa, kukulingilwa kabela Kwakwe, mwamona, naleta ulubuto kumweo, kibili lwena luleipatikisha ulwine, mwamona, ukwisa kulubuuto. Kibili nomba, pamulu wafyonse filya, cena nacicimfya. Mwamona? Cena tacileilangisha icine *mulya* mukati. Lilefuma, ukuti iilangishe iine.

Nangula imwe, mumembu shenu—shenu, nobucende, nefintu fyonsse ifyo mwaikalemo. Imwe tamwalangishe nangu cimo. Lelo mwali ulubuto mulya, kibili lwaishilekwata ishuko lya kuipatikisha ulwine mu Lubuuto. Kibili nomba imwe muli mu Kubapo kwakwa Yesu Kristu, no Lubuuto Iwa Mwana. Cena caletele ifyo imwe mucine mwali mukutendeka. Namumona ifyo Ndepilibula? Mwalimwene u Lubuuto. Mwalisapwile. Mwaliswile umutima wenu, kibili nomba uli cananika.

⁹⁶ Muleibukisha imbila yandi pali cananika? Shimapepo Cananika, ifyo acululuka. “Kibili, nomba, ena tapilibaba. Kibili nomba, Solomoni, mubukata bwakwe bonse, tasasamikwe nga umo uwa aba.” Ena—ena—ena—ena . . . Lolesheni kuli ena. Ena ali uwaiteyanya uku—. . . Ena tasakamana nangu cimo umwine. Cananika tasakama nangu cimo palwakwe. Cinshi ico acita? Ena—ena alafumyapo ukuyemba kwakwe, umweo wakwe, pakutila bambi bengamona. Umweo wakwe bulalangishiwa, ukuti bambi bamone ubukata, ifyaba muli ena, ico icali muli ena mumatipa. Nomba ena ali pamulu.

Ulya nikacimfya. Ena alicimfishe amatipa. Ena alicimfishe ifintu fya mwisonde. Kibili nomba ena aliipela fye umwine. Umuntu onse kuti arolekesha pali ena. Umweo wakwe, imwe tekuti mubike umunwe pali cena. Mwamona? Ena nikacimfya umwine mwine. Teti usosepo icintu nangu cimo palwa ena nomba. Ukusosa, “Ena afuma mumatipa.” Lelo ena taba mumatipa nomba. Ena ali pamulu waciko. Amen. Imwe tekuti, lyena, sonteni kunuma ifyo ena ali. Ena nicinshi nomba? Ena ali pamulu.

⁹⁷ Elyo ulushimu lulesa nokutila, “Ulya musashi uusuma. Ndecetekela Nalaya nokusenda iciputulwa candi.”

⁹⁸ Ena aisulafye umutima wakwe, “Isa kuno nomba. Cisuma.” Ifintu fyonsse fifumya kuli ena. Mwamona? Ena ni—ena ni kakumba wacine. Ena alalangisha Ubukata bwakwa Lesa.

Kabili lolesheni uko ena afumine. Ena alingile ukucimfyा, ukucita cilya.

⁹⁹ Inshita imo, ena nangu ali uwacaice kabili umusuma, uwaemba. Balikwete amesho ayengi ayakupitamo, lelo balicimfishe cilya. Mwamona? Balicimfishe. Nomba balelangisha ukuyemba ukwine kwine ukwa kwa Kristu mumweo wabo. Moneni, ukulangisha, ukupitila mumatipa.

¹⁰⁰ Yesu alitupele icilangililo, ifyakucicita. Nomba tulefwaya ukwishiha ifya kucimfyा. Yesu alitwebele ifyakucicita. Mwamona? Ukuicefyा! Ukuifimba Umwine, asendele itawelo, nokusamba inkasa sha basambi nokubafumyamo. Lesa uwaku Muulufye aliicefeshe Umwine eka.

¹⁰¹ Ifwe tatulefwaya ukuicefyा. Emulandu wine abanakashi tabafwaya imishishi yabo ukukula, mwamona, umulandu bena tabafwaya ukufwala nga bana mayo balingile ukufwala. Kwati, abantu tabafwaya ukumona, mwamona, caba cimo cine. Bena tabacita ico. Bena—bena ukuicefyा.

Lelo, Yesu, lyonse! Lolesheni ifyo Ena Ali. Ubukalamba! Nalalandia icintu cimo. Ubukalamba bulaicefyा ubwine. *Ubukulu* bulaicefyा ubwine. Ubukalamba!

¹⁰² Nalikwata ishuko ilya kukwata, ukukumana nabantu bambo abakalamba. Kabili ni aba abalumendo abo abakwata ifyakufwala ifyakucinja, kabili amacenti amakumi yasano mwitumba lyabo, kabili nokulisha, ulya emwaume uutontontonkanya ena cintu cimo ilyo ena tali nangu cimo. Lelo Naiminine pa baume abakalamba, Ndepilibula abaume abakalamba namaboko ayalepauka, amapitao. Bena balelenga iwe ukutontonkanya ukutila uli muntu umukalamba. Mwamona?

Ubukalamba kuicefyा. Mwilaba icò, Chalichi. Ubukalamba builangisha mukuicefyा, tefyo waba umuntu umusuma.

Nshileplibula uwafiko, nomba. Nde—Ndepilibula uwapetama mumupashi. Mwamona? Nshileplibula ukulsenda fye—ukufuma kabili mwilaesha ukusamba no kuwamishiwa. Cilya, imwe mulingile ukucita cilya. Namwishiha cilya. Mwamona?

Lelo Ndelanda palwa kuicefyा, ukuicefyा ukwine kwine, tecintu cimo icabikwapo. Icintu cimo icili, cilya caba ukuicefyा nganshi.

¹⁰³ Yesu alitwebele ifya kucicita. Ena alicimfishe. Cileplibula... *Ukucimfyा* cipilibula “ukushipikisha ubwesho,” ico cishinka, nga bonse abamushilo abakale bacitile; nga fintu Yesu acitile: pakati kabalwani Bakwe, Alishipikishe ukweshiwa. Ifintu fyonse ifyo Ena aeshiwemo, Ena alishipikishe. Mucinso cabulwele, kabili Ena ukuba Messiya, Alibondepe. Mucinso camfwa, Ena alicibwekeshe kumweo. Mucinso ca Kalbale,

imfwa Yakwe Umwine, Alicimfishe pa kuijela Umwine. Mulandu nshi? Ku Cebo. Atile, "Mukonaule ili Tempele, kibili Nkalimya munshiku shitatu." I Cebo efyo casosa. Mwamona? Kibili mucinso camfwa, Alicimfishe. Alicimfishe imfwa. Mucinso cakumbo, Alicimfishe mbo nokucimfyia imbo. Ee. Mucinso canshishi, Alicimfishe inshishi. Mulandu nshi? Fyonse ku niku Cebo, nokuicefya. Oh, owe! Uyo e Muntu umwine mwine. Ulya palya Umo ukupanga icilangililo cenu. Mwamona? Alicimfishe icintu icili conse, ukucicimfyia.

¹⁰⁴ Lolesheni. Ukweshiwa kwali pali Ena. Mwalishiba ico? Baibele itila, "Ena aeshiwe mufintu fyonse ngefyio twaba, nomba ukwabula ulubembu." Ena alyeshiwe ku-kukunwa. Ena alyeshiwe kubanakashi. Ena alyeshiwe kucintu conse ico engeshiwako. Alyeshiwe kufintu fyonse ifyo twaba. Ali u Muntu, kibili nelyo line tekuti mubike ululembo pali Ena. Ee, mukwai.

¹⁰⁵ *Ukucimfyia* cipilibula "ukwishiba ciwa muli cila umo uwamibele yakwe." Abantu abengi batila, "Takwaba ciwa. Cena litontonkanyo fye." Mwilacetekela cilya. Kwaliba ciwa umutuntulu. Abafye umutuntulu nga imwe mwaba nangu abantu abali bonse. Ciwa umutuntulu, kibili imwe mufwile mwamwishiba bwino bwino. Imwe mulingile ukwishiba ukutila ena niciwa. Kanshi, inshita imo ine iyo imwe—imwe mulem wishiba, kibili mwalishiba ukutila ena niciwa kibili ena alamisusha imwe, kanshi, kukucimfyia, imwe mulingile ukwishiba ukutila Lesa muli imwe alipulishamo kibili alipulishamo nganshi ukucila ifyo ena ali, ukutila Uyo uuli muli imwe na mucimfyia kale. Kibili mukusenamina Kwakwe, imwe teti eminine naimwe. Ameni. Ifyo ekucimfyia, ilyo iwe waishiba.

¹⁰⁶ Ngamwalolesha kunuma, mwalila, "Nalacita ici kibili Nalacita na cilya," nomba, iyo, imwe—imwe, ninshi namucimfiwa.

"Lelo takuli ukusekwa kuli abo abali muli Yesu Kristu, abo abashendela umwabela umubili, lelo abendela umwabela u Mupashi." Nomba elyo mwingeshiba ukutila imwe namucimfyia.

Kibili imwe mwaishiba ukutila ena ni ciwa.

Imwe tekuti mulile, "Ninkwata ubulwele, kibili Ine—Ine—Ine—Ine—Ine nshilecetekela ukuti bwena bulwele."

Oh, ee, *bwena* bulwele.

Naukwata ipwalonda, "tauctekele ukutila lyena lipwalonda."

Lyena *li* pwalonda. Lyena *li* pwalonda.

Lelo, ibukisha ukuti, "Ena Mukalamba uyo uwaba muli iwe ukucila ena uwaba mwisonde." Iwe ufwile wailuka ukutila Mupashi wa Mushilo uyo uwaba muli iwe kalekale nacimfyia ici cintu. Kibili Ena aba muli iwe, kibili iwe tekuti umucimfyia

ukutila muli Ena. Ico bwino bwino muli amano, bwino bwino fye munshila Amalembo yalembelwa. Bacimfya!

Mfwile naangufanya. Napwisha ama minineti amakumi yane na yasano nomba. Nincilapo pa nshita ndeya munshita iipulilemo nomba.

¹⁰⁷ Moneni, ukucimfya! Lesa uyo uwaba muli iwe mukalamba ukucilo ulya umo uwaba muli ena. Ulya lesa uwa mwisonde taba umukalamba ngafintu Lesa wa Muulu, uyo uwaba muli iwe, alicilapo napamfifi ifyo ingeminina mukubapo kwa lubuto.

¹⁰⁸ Nomba, imfifi teti iminine mu cinso ca lubuuto. Nshilesakamana ifyo kwingaba ukwafita, ulubuuto luli nokulufumyapo. Lwena tekuti lwiminine. Ubukata! Lelo senda imfifi wingafwaya, nokwesha ukupililikana nolubuuto inshita imo, mona icicitike.

Ulya e Umo uuli muli iwe, e Lubuuto. Kibili ulya uuli mwisonde nimfifi. Eico, u Lubuuto lwalushininkishiwa ukucimfya imfifi, kibili umuntu uuli muli Kristu kibili alishiba ukutila ena nacimfya ifintu fya mwisonde. Ameni. Cena tacawkwata nacimbi icakwampana kuli imwe, nakalya. Imwe muli bantungwa. "Endeni mu Lubuuto, ngefyo Ena aba mu Lubuuto, kibili u Mulopa wakwa Yesu Kristu ulatusangulula ukufuma kulubembu lonse, kibili twalikwata isenge umo nomubiye." Efyo caba.

¹⁰⁹ "Uyo uuli muli imwe alipulishamo ukucila uyo uuli mwisonde." Nomba, nga mwalolesha kunuma kibili mwasekwa, ninshi mucili mwisonde. Lelo nga muleikala pamulu waico, lyena Ena uuli muli imwe namutungulula pamulu wamfifi.

Nga cananika, ali pamulu wamfifi yamatipa. Ali pamulu wamfifi yamenshi yamatipa. Ena ali mulubuuto, ukulangisha ukuyemba uko kwabikilwe muli ena ilyo talafuma mumatipa. Ameni.

¹¹⁰ Nomba Nde—Ndeumfwa ngo mwina Kristu ulebilikisha. Cinshi cali muli kuli Lesa, pakutendeka, caipatikishe ukwingila, ukucimfya. Cena cacimfishe icipapa. Cena cacimfishe amatipa. Cena cacimfishe amenshi. Cena cacimfishe ifintu fyonsse, kibili cali kacimfya, kibili alangishe ukuyemba no Bukata bwakwa Lesa.

¹¹¹ Ulya e musango uwacetekela onse acita. Ulya e musango Noah acitilemo. Ulya e musango Loti acitilemo. Ulya e musango. Lolesheni ifyo cali icimfulunganya. Ulya e musango Mose acitilemo. Ulya e musango Yoshua acitile. Ulya e musango Daniele acitilemo. Ulya e musango Shadrachi, Meshachi acitile. Ulya e musango Yohane Kabatisha acitile; Zakaliya, Elisabeti. Iyo ine enshila intu Simeoni, iyo ine enshila intu Anna, cila umo pali bena acitilemo. Bacimfishe amatipa ayabashingulwike nokubengishamo. Abikile umutwe wabo pamulu wacintu,

nokubalika Ubukata bwakwa Lesa. Filya efyo umwina Kristu umwine mwine acita.

¹¹² Ibukisheni, Yesu a Mulangishe ifyo cena cicitwa. Inshiku amakumi yane ayabwesho, Alyeshiwe pamulu wamuntu uuli onse uyo uwatalile eshiwa, mubwesho bwakwa Yesu Kristu. Moneni. Alitulangishe ifyo cicitwa.

Nomba Nalaisala, muma miniti fye ayanono.

¹¹³ Lolesheni. Ena alitulangisha ifyo cena cicitwa. Musango nshi Ena acicitilemo? Ku Cebo. Ulya e musango Ena acicitilemo, pantu Ena ali Cebo. Kibili Yesu atile, “Nga mwaikala muli Ine, ne Fyebo Fyandi muli imwe,” muli abakubwekela ku Cebo nakabili, i Cebo ica bulayo. I Cebo ca bulayo ku bwina Kristu bonse? “Uwapulishamo ni Uyo uuli muli imwe ukucila uyo uuli mwisonde.” Lyena musango nshi Ncimfishamo? Te ine, lelo i Cebo icili muli ine. I Cebo ni Lesa. Nomba Ine nalicimfyia ifintu fya mucalo, pantu cena Cebo muli ine. “Nga mwaikala muli Ine, Ifyebo Fyandi muli imwe, lyena lombeni ico mulefwaya.” Twalilileni fye ukuya pamulu. Imwe muleisa pamulu, ngefyo mucine nge cintu icili conse. Mwamona? Imwe mulingile ukwisa pamulu.

¹¹⁴ Inshiku shakwe amakumi yane isha mesho, ku Cebo cakwa Lesa Ena alicimfishe. Ndefwaya ukulondolola icintu cimo pano pa maminiti fye ayanono. Satana apangile ifyakusansa fitatu pali Ena muli kulyo kweshiwa. Moneni. Cena lyonse caba muli filya fitatu. Mwilabako cena. Mwamona? Apangile ifyakusansa fitatu, ukufuma ku yacilishapo ukuya ku yacepesha. Alyeseshe mukwishibisha kwakwe ukumucimfyia Ena. Lelo Ena ali Cebo. Amen. Cinshi ico Ena abomfeshe? Umwine, i Cebo. Ifyakusansa fitatu ifyakwa Satana pali Ena, lelo Ena acikumenye. Ukulwisha konse, Ena kuti acipanga ne Cebo. Moneni ici nomba, ukufuma ku yacilishapo ukuya panshi.

¹¹⁵ Intanshi apangile ukulwisha kwakwe, ukubomfyia amaka Yakwe ayakalamba. Icili, Ena alishibe Ena ali Cebo. Ena alishibe icifulo Cakwe. Iwe ulecetekela Ena alicitile? “Ine ne Mwana wa muntu.” Ena alishibe icifulo Cakwe. Kibili Satana alishile nokufwaya Ena ukubomfyia amaka Yakwe Umwine Eka, ukumulisha Ena, alefwaya ukuilisha Umwine eka. Aali nensala. Umuntu alakwata insala, ena kuti acita fye icintu icili conse. Ena akeba, ubupupu, ukulomba, ukwashima, icintu icili conse. Mwamona? Alikwete kulya kukabilia. Kibili Satana abomfeshe icifulo cakwe icikalamba icantanshi pali Ena, ukusenda amaka Yakwe ayo Ena apelwe ukucimfyia nokuyabomfyia pa Mwine. Ena tabomfeshe lyena pa Mwine. Iyo. Ena abomfeshe lyena pali bambi. Cilya cishinka. Ena abomfeshe pali bambi, te Mwine. Tacali ni Ena. Nangula, Ena ngalicicitile. Ena mucine nga licicitile.

¹¹⁶ Lelo moneni efyo ciwa aba? Ciwa afwaya imwe ukulamutontonkanyapo. Ena alefwaya fye ifyo Taata asosele ukucita. Ico nacilngama.

Atile, “Mulandu nshi,” Satana atile, “calilembwa, ‘Akapela ba Malaika ubutungulushi...’”

¹¹⁷ Atile, “Ee, lelo nakabili calilembwa...” Mwamona? Mwacimon ico. Mwamona? Ena alishibe ifyo Ena Ali. Satana alicitile...

Itontonkanyo lilaya lilesrika ukucila ifyo Lyalembwa. Mwamona? Cena kusubwa. Uluseke lwaba mukati ka Cena, mulemona, ifyo Cena cili mucine.

¹¹⁸ Nangula Ena ngalicitile, Ena tacicitile. Lelo Ena—Ena tatalile ukulipila ukumfwana ku mibele yakwa Satana.

Nomba, apa pali icintu icisuma. Mwamona? Inshita imo Satana kuti akusenda, kabilo ilyo muletontonkanya ukutila mulecita ubufwayo bwakwa Lesa, kabilo kuti mwa mulenga imwe ukumfwana, imwe kuti mwakonka cena. Ee, mukwai. Ena mucine kuti acita.

¹¹⁹ Nomba lekeni fye tusende, tutile, nga bankashi yesu. Bena balyemba. Kabilo ena kuti amutwala kucifulo, ukutila, imwe muleke imishishi yenu ukukula, imwe tamwailwike kabilo mwaliweme mulisho, kabilo, icantanshi ico mwaishiba, mwalaumfwa abapelelwa, akanono ukucila icintu cimbi. Imwe mwe baume bambo, namwishiba ico Ndepilibula. Mwamona? Kabilo ena kuti asenda icintu cimo cine nokumipandilako amano. Ico nacilngama. Mwamona. Imwe mulingile ukucimfy a cilya.

Ibukisheni fye, imwe muleikalila Lesa. Imwe namukwata ico mwaimininapo cimo, kabilo ulya ni Yesu Kristu. Kunse ka cilya, takwaba icintu cimbi icipendwa. Ni Ena. Elyo, icabubili, lupwa lwenu. Elyo, ica citatu, nimwe bene. Lelo, intanshi, pali Lesa; icilekonkapo, ulupwa lwenu; kabilo cimbi, kuli imwe. Muli mpPENDWA itatu; ilya e mpela yamusebo. Ibikeni mwebene kumpela; Alicitile ico.

¹²⁰ Lolesheni ifyo Ena ali nokucita. Atile, “Ine kuti naita Taata Wandu, ukulanda na Ena, Ena kuti Antumina fye itulwe ikumi limo nayabili aya ba Malaika.” Ilyo, umo uwa muli Bena kuti aonaula icalo. Atile, “Ngo Bufumu Bwandi bwali nili isonde, lyena abantu Bandu kuti balwa. Lelo Ubufumu Bwandi bwa ku Muulu.” Efyo caba. Mwamona? Ena ngalicitile cilya, lelo Ena tacitile. Mwamona? Nangula, Ena ngalicitile. Ena tatalile umfwa kwipusha kwakwa Satana.

¹²¹ Nomba, bushe mwalyumfwa abantu ukutila, “Nga—nga imwe mwacetekela ukuti—kuliko kondapa uwa maka yakwa Lesa... Nga imwe muli kondapa wamaka yakwa Lesa... Kabiye kasende kondapa obe uwa maka yakwa Lesa. Ninkwata umuntu

kuno lubali, umulwele. Ndefwaya ukumumona ukumundapa.” Mwamona ulya ciwa umo wine? Ena aleesha ukumfwana na imwe. Ena aleesha ukulenga imwe ukumfwa kuli ena mucifulo cakwa Lesa. Lelo umwine mwine, umubomfi uwa cine uwakwa Lesa akakutika nokumona ifyo Taata alesosa, intanshi. Mwamona?

¹²² Ngo mwana umunono uwakwa Stadklev, ilyo bamutumine kuno. Kibili ba Misisi Skedur batile, “Munyina Branham, Natumine ukufuma ku Germany.” Kwali abashilika baku America, naimo indeke iibutuka naikila pacibansa, kuti antwala ku Germany nakunuma, mubushiku. Ali nikashimikila wamu fita. Kibili akanya kalilele, akafwa. Kibili ulya nyina umunono alepunda, atile, “Umfwa!” Natile, “Ninjishiba. Naliminine palya pene nokumona ulyo mwanakashi ukwikata kalya kanya akafwile mumaboko yakwe, akafwile lulyo lucelo. Nalimwene Munyina Branham ukwisa fye kulya lubali, ukubika indupi pali kalya kanya akafwa, kibili kena kaishileba nomweo.” Atile, “Uyu mwana wandi, Munyina Branham.” Takwatala akuba imfwa mulupwa lwabo. Mwamona? Kibili aka kantu akanono kalilwele ulucelo lumo nokufwa cilya cungulo.

Bonse baiminine ukushinguluka, nokupela ama busesemo nefintu, “Umwana ali nokubuka,” kibili nafyonse nga filya.

¹²³ Natile, “Ukuba, cilya cintu cawama nganshi, Nkashi Stadsklev. Lelo lekeni mone ifyo Taata alesosa.”

Naile mumitengo. Kibili Nalipepele. Abwela mukati; ena aita imiku ibili nangu itatu ilyo Nshilabwela ulucelo ulwakonkapo. Nangu cimo.

Doctor atile, “Cilifye bwino.” Atile, “Nga cilya eco, nga namukwata icitetekelo nga ulya, namayo, tatwakatale leka akanya ukufuma mucipatala. Lekeni cena cikale apa pene. Imwe ikaleni apa pene nacena. Cilya cilifye bwino.”

Munyina Stadsklev aile nokumona ifita ifikankala. Batile, “Mucine. Twalamuleta uko, nokumubwesha.”

¹²⁴ Kibili pali indeke naikala, ilelolela, ukunsenda mulucelo nokumbwesha munshita yabushiku, ku Germany, ki Heldorf, Germany, pa kututubuka kwa aka kanya. Natile, “Mucine, Lesa kuti acicita, lelo lekeni tumone ifyo ubufwayo Bwakwe buli.”

¹²⁵ Elyo Nalile kulya, nokupepa ubushiku bonse. Tapali nangu cimo icacitike. Naishilebwela ulucelo ulwa konkelepo; tapali nangu cimo icacitike. Kibili Naingile mumuputule. Lilya line fye Naliloleshe kulya, kibili kulya kwaiminine lulyo Lubuuto ukulebela palya pa mwinshi. Atile, “Wibika ukuboko kobe pali cilya. Wicikalipila cilya. Kulya kuboko kwakwa Lesa.”

¹²⁶ Namutumine lamya. Natile, “Nkashi Stadsklev, shika umwana obe. Cena kuboko kwakwa Shikulu. Cena bufwayo bwakwa Lesa. Icintu cimo kuti cacitika kuli ulya mwana mukuya

kwanshita. Muleke aye uko Lesa eshibe ati eko ali. Imwe kuti mwaya kuli ena nomba. Ena wa mweo, imwe teti mucite. Imwe mulekeni filya fine.”

¹²⁷ Ulya kashimikila umukalamba wa ci Lutherani mu Germany alembele inkalata kibili atile, “Ifyo Ningatasha, ifyo, Munyina Branham ukulolela pali kulyo kusala ukwapwililika ukwa kwa Lesa, ilyo talasosa icintu icili conse.”

Efyo caba. Ikato kusala kwa kwa Lesa. Te mulandu ifyo bambi balesosa, nangu conse ifyo cili, mwiposako amano kuli Satana, iyo.

¹²⁸ Nga Satana atila, “Nomba, ulubatisho lwa mumenshi, ishina lyakwa ‘Taata, Mwana . . .’” Nga cakuti, aisakwipusha, cileke cibe. Lesa alanda icapusanako. Nga atila, “Iwe uli muntu musuma, iwe taulingile ukuba . . . Iwe uli mwanakashi musuma, iwe taulingile ukucita . . .” Bushe imwe tamuleposako amano. Nge Cebo casosa icintu cimo icaibela, imwe ikaleni ne Cebo temulandu ifyo cena cili. Cilya e cilangililo Yesu apele kuli imwe, kibili ulya palya umukankala, mwamona, uo ena alengele pali Ena.

¹²⁹ Elyo, umulandu wa cibili. Nalaangufyanya. Cilemoneka fye kwati inshita ileenda bwangu. Icakonkapo icakusansa cali, ukutila apangile pali Ena, ukuti Ena kuti aba uwakuilanga.

Kibili ifyo cilya cipuma ababomfi bakwa Lesa, ukuba icakulangisha, ukulangisha ifyo mwingacita. “Ubukata kuli Lesa! Alleluya! Ine ndi kapususha! Ine efyo *naba*.” Mwamona? Mwamona?

¹³⁰ “Isa kuno, pamulu wetempele, kibili nokwikala pano.” Ena alimweseshes Ena ukucita ico. Nomba, ibukisheni, Ena alyeshiwe ukucicita, mumaka. Atile, “Nomba, nga Mulefwaya ukuba icintu cimo kuntansi yabantu, iminineni pano pali ili tempile, cifulefule.” Mwamona? “Nala Mupela Amalelbo pali cena, pantu calilembwa, ‘Ena akapela ba Malaika ukulolesha pali Imwe, epali, inshita ili yonse, ukuyuma ukulu kulibwe. Ena akakwimya Iwe.’” Uku Mupanga uwakuilanga, ukulangisha amaka Yakwe.

¹³¹ Takuli umubomfi uwa cine uwakwa Lesa uucita cilya. Mulemona umwaume ukuianga, icifuba cakwe kunse, kibili nafyonse nga filya, ibukisheni fye, kuliko icintu cimo icalubana kulya. Iyo. Lesa talefwaya cilya. Yesu atantike icilangililo. Ena nga alicicitile. Ena mucine nga alicicitile, lelo Ena tacicitile. Takuli umubomfi wakwa Lesa untu ailanga, umwine eka, ukwesha ukusenda amaka yakwa Lesa nokuilanga umwine eka pa muntu umbi.

¹³² Muleibukisha Mose alicitile ico? Ibukisheni cena? Lesa amupele amaka ukucita icili conse ico alefwaya ukucita; alengele ena ukuba kasesema. Ena aile kuli cilya Cilibwe, kibili

ena apumine Icilibwe umuku wacibili. Cilya cali ukususha ubufwayo bwakwa Lesa.

Lesa atile, “Landa kuli ico Cilibwe. Mwicuma nakabili. Imwe muleonaula fyonse i—fyonse i—icipasho pano. I Cilibwe cili nokupumwa fye umuku umo.” Lelo ena alandile pabunake ubwa Cebo ilyo acitile cilya; Cilya tacali icalinga. Ee. I Cebo ecalecitika. I Cilibwe cali i Cebo. Mwamona?

¹³³ Ena, umuku wakubalilapo, ena apumine Icilibwe na menshi yalifumine. Kabili nomba bena balikwata icilaka nakabili. Atile, “Nomba bwekela nokulyaanda ku Cilibwe.” Cena cauminwe fye umuku umo. Mwamona?

“Ukukana kumanina kwa Cebo,” Mose apele ubunte kuli cena. “I Cebo tacali icalungama; Ena ali nokumwa nakabili.”

¹³⁴ Eico Mose aile kulya nokuma i Cilibwe nga cilya, atile, “Fuma!” Tayafumine, eico alicumine nakabili, kabili atile, “Fuma! Ndekweba ukufuma.” Kabili amenshi yaishile.

¹³⁵ Lesa atile, “Isa kuno. Isa kuno. Iwe waliisasabika wemwine. Imwe mwalisendele amaka Yandi; mucifulo caku Nsangulula, imwe mwaliisangulwile mwebene. Nomba imwe tamwaye mumpanga. Lolesheni kulya, ukumona ifyo camoneke; lelo, apa, iwe uli nokufuma apa pene.” Oh, owe! Takwatala akubako umo nga Mose, namwishiba. Iyo, iyo.

¹³⁶ Ilyo aishile kuli kulyo kulangisha na Yesu, atile, “Kabiyen'i mwitempile muno nokutolokako.”

¹³⁷ Atile, “Calilembwa,” ameni, “Witunka Shikulu Lesa obe.” Mwamona? Alimukumenye ne Cebo, mulico, nokusanswa ukukalamba konse.

¹³⁸ Takuli umubomfi uwacine uukatala esha ukuilanga umwine, na—na maka yakwa Lesa. Alacita ico, ena alacilinganya lilya line.

¹³⁹ Ica citatu icilonda icikalamba, Satana apele ukulekelako ubu bufumu kuli Ena. Alicitile. Satana atile, “Moneni aya mabufumu yesonde? Aya yandi. Ndacita nabena conse ico Ndefwaya ukucita. Nalayapela kuli Imwe.”

Lelo, muleibukisha, ena aleesha ukumusenda Ena ukukanalufyanya. Nga Ena alicitile, ifwe kuti twaluba. Ena ngalifumishepo ubufumu. Lelo Alingile ukukonka i... Alingile ukubwekela. Ena alyeshiwe ukucicita, nomba. Imfwa cintu cakosa. Ena alyeshiwe ukusenda ubuntungwa Bwakwe nokuba Imfumu yesonde, ukwabula ulupanda. Lelo, nga Ena alicitile, abantu Bakwe nga balifwile. Satana ngalikwete nensansa ukulengelamo ukumfwana na Ena. Lelo Atile, “Kabiye kunuma Yandi, Satana.” Ena tacicitile.

¹⁴⁰ Aishile nokucula, kabili asendele inshila iyakalabana, inshila iyakalabana. Ena asendele imibombele yakucushiwa. Ena asendele nshila yamfwa.

Bushe ifwe, muno lucelo, tulefwaisha ukucita, ukusenda ilya ine nshila iyo Ena asendele? Bushe tulefwaya ukufwa? Bushe tulefwaya ukuipela fwebene kuli Lesa, ukulekelako kwiisonde lyonse nefintu, uku Mubombela? Mwamona?

¹⁴¹ Nomba, Ena alifililwe ukucicita. Ukufwaya uku-ukucilekelako, Satana ali, kuli Ena. Lelo Ena taciticile. Nangula Yesu alyeshiwe, Ena alitucimfishishe ifwe. Ena—Ena ashipikishe amesho yonse kuli ine kabili naimwe. Mwamona? Ena ngalicisendele ilya ine nshita. Lelo mulandu nshi Ena asendele inshila imbi? Eico pakutila twingesa, ukuba pamo Nankwe. Kabili nga Alilipile umutengo uwaba ngoyo, nomba kuti twaba abanononshi ukukana cisenda? Ilyo ibukisheni, takuli nangu cimo pano, nangu cibefyo.

¹⁴² Nga mwaikala imyaka umwanda umo, nicinshi ico muli nokwisaba? Ifyamatontonkanyo, kabili ukutontonkanya kobe ninshi kwaya, kwalemana, kwakota nokusunkana. Uko eko uleya, kabili empela yaico. Imwe iseni nomba, ukucimfyia ici icintu. Musango nshi mucitilamo? Ku Cebo. Ifyo i Cebo calanda, iwe wacita ico. Enda uwaicefyia. Ikala ku cinsos cakwa Yesu.

¹⁴³ Ashipikishe ifintu fyonse kuli iwe na Ine. Ena ecilangililo cesu ifyo ukucimfyia inkulo yesu iyabipa, ngefyio Ena acimfishe inkulo Yakwe iya bubifi.

¹⁴⁴ Ibukisheni, ilyo Ena aishile pesonde, kwaba fye ukukana cetekela ukwingi, nangu ukucila, ukucila ifyo kucili inshita ili yonse. Cena ta Camusakamike nangu panono. Ilyo ba Mwitile iciwa mucifulo cakwa Lesa, ilyo bena ba Mwitile ifintu fyonse ifyo fingacitwa, cena taca Musakamike panono. Ena alikwete ipange limo: “Posa amano kuli Taata. Sunga i Cebo.” I Cebo ni Lesa. Ena alikwete amano yamo.

¹⁴⁵ Ifwe inshita shimo tuleshiwa ukubwelelamo. Mwebengi, muleshiwa ukubwekelamo muflonganino, ukubwekelamo nokuyacita, pantu icalo conse efyo citila, “Cilonganino nshi wabako? Ci chalichi nshi waampeneko?” Ifwe tuleshiwa ukucita ico; ifwe bonse efyo tuli. Bankashi yesu baleshiwa ukubwekelamo nokuya ilunda namachalichi ayashala, nabamo ba Assemblies, nangu amachalichi yakwa Lesa, nangu bambo muli bena; nalyo line beni ba Pentecosti, lekeni imishishi yenu iputulwa, nokufwala fye umusango uuli onse mulefwailamo. Mwamona? Mulatunkwa ukucita ico, bwelelenimo nokulumbukwa pamo ne iyi nkulo iyabipa iyo tuleikala nayo.

Ilyo, ulu elubembu ulukalamba ulwa munshiku shesu. Cena lubembu ulukalamba pakati kabantu besu, ifya kufwala fya mwisonde, ngefyio Baibebe yasosa Laod-.. Inshita ya Laodikea yali. Ena aba uwesonde, “Uwa nonka, takabila nangu cimo; taishiba ukutila ali ubwamba, uwankumbabulili, umulanda, kabili uwapofula.” Lulya elubembu lwa bushiku bwesu. Nga

mwaumfwa i Cebo cakwa Lesa ukulanda ukucisusha, nomba wasenda inshila imbi, waliba uushaishibikwa nesonde. Imwe mulatunkwa ukubwekelamo.

¹⁴⁶ Ninjishiba. Muletwalilila ukusosa kuli ine. Ninjishiba ukuti muletila, "Inshita fye yonse." Ninjishiba mulanaka naine ukukomaila pali ifi fintu. Ndankana ukumona imwe mulecicita, pamo, ico nacilungama, ulu lubembu ulo Ndeesha ukumwebapo. Mwatila, "Mulandu nshi ulelandila pali cena?" Leka ukucicita, nomba. Ndeesha ukupususha umweo wenu, ne Cebo. Ndankana, pamo. Eico, ilungamikefy. Ulu lubembu, talulingile ukucitwa. Ee, mukwai.

¹⁴⁷ Ifwe tulingile ukucimfy ifi fintu. Ifwe tulesubila ukweshiwa nabena, isonde. "Imwe mwalitemwa isonde, ifintu fya mwisonde, ukutemwa kwa kwa Lesa takwaba muli imwe," efyo Yesu asosele.

¹⁴⁸ Nomba twalaisala, no kusoseci. Kuli icilambu cakwa kacimfy.

¹⁴⁹ Lekeni mbelenge icintu cimo pano kuli imwe. Pilibuleni mu ma Baibebe yenu. Lekeni tubwekele mu Kusokolola, iya 3, icipandwa ca 2. Moneni pano nomba, fyonse ifi fintu ifyo Ndelandapo, ukucimfy. Nomba ilolesheni fye mwebene nokumona. Ibebetedi mwebene mucilola camupashi, moneni nga cakuti mwalicimfy.

¹⁵⁰ Nomba, imbila ya ntanshi, kuli—kuli malaika wa ku Efese, Ndefwaya imwe ukumfwa kufyo Asosele. Kabili Ukusokolola, icipandwa ca 2, versi ya 7. Ici nikuli ilya nshita yachalichi, ilyo Ena abebele fyonse ifyo bacitile, "Ukusha ukutemwa kwabo ukwantanshi." versi ya 7:

Ukwete ukutwi, omfwe ico Mupashi ulesosa ku nkuta; Kuli ena (umuntu, te lukuta)... Uwacimfy—uwacimfy Nka pela ukulyako umuti wa mweo, uuli mukati ka paradise wakwa Lesa.

Mwamona? Bakacimfy mu Efeso.

¹⁵¹ Nomba, icakonkelepo cali ni Smurna. Nomba, kuli bakacimfy muli cilya, tuleumfwa kulici. Nomba, versi ya 11.

Kuli ena—uyo ukwete ukutwi, omfwe ico Mupashi ulesosa ku nkuta; Uwacimfy takacenekwe ku mfwa ya cibili.

Mwamona? Bena balicimfishe.

¹⁵² Nomba, cilya, nomba lolesheni kuli Pergamo, tuli nokusanga ifyo kacimfy amushilile, mulici. Twalabelenga versi ya 17, ku chalichi ca Pergamo.

Uyo u kwete ukutwi,...

Ukutila, ulya emuntu umo, tebumba lyonse. Umuntu umo, ulya ni Nabwinga ukwisa, mulemona, Chalichi.

Uuli no kutwi omfwe, *ukumfwa ico Mupashi ulesosa ku nkuta; Uwacimfyा Nka mupela ukulya mana uwafiswa, no kumupela ilibwe ilya buta, kibili mwi libwe ishina lipya ilyalembwa, ilishaishibikwa ku muntu ulei pokelela.*

Cilya nikuli kacimfyा, ica nkulo ya chalichi.

¹⁵³ Nomba, icilekonkapo ni Thyatira. Lekeni tusange ifyo kacimfyा akwete muli bulya bushiku. Lekeni tusende versi ya 26.

Kabili uwacimfyा uwabake milimo yandi ukufika ku mpela, kuli ena Nkapela amaka pa fyalo: (Ico nacilungama.)

Kabili . . . akabateka ku nkoto ya cela; kabili nga icipe cakwa kabumba bena bakatobaulwa mu tupimfyा: nga fintu Napokelele kuli Taata.

Mwamona, “Na Ena, mu cipuna Cakwe icabufumu.” Kristu ali nokutungulula ifyalo, nenkoto yacela. Kabili ici pano i Chalichi ico cacimfishiwa, “Icaikala mulya, pamo na Ena, ukutobaula ifyalo nenkoto yacela.”

¹⁵⁴ Nomba katubule kuchalichi ca Sardis. Nomba versi ya 5 iya cipandwa ca 3.

Uwacimfyा, akafwikwa amalaya ayabuta; kabili Nshakapase ishina lyakwe ukufuma mwi buuku ilya mweo, lelo Nalayebelela ishina lyakwe ku cinsö cakwa Taata, na ba malaika aba mushilo.

Cilya ni kuli kacimfyा mu Sardis.

¹⁵⁵ Nomba, lekeni tusende nomba versi ya 12. Nomba, ici cili kuchalichi ca—ca Filadelfia, mu versi ya 12.

Uwacimfyा Nkamucito lucenshi mwi tempele lyakwa Lesa wandi, kabili takafumemo kabili nakalya: kabili Nkalemba pali ena ishina lyandi, ishina lyakwa Lesa wandi, kabili ne shina lya musumba wakwa Lesa wandi, uyo uuli ni Yerusalemu mupya, uuleisa ukufuma kumuulu ukufuma kuli . . . Lesa: kabili Nkalemba ishina lyandi ilipyä pali ena.

¹⁵⁶ Moneni ifyo kacimfyा akalaiwa. Mwamona?

Nomba, nomba Laodikea, ilya ninkulo ya chalichi cakulekelesha. Kukabako bakacimfyा bambo mulya. Moneni pano. Bena, balebukisha, cila nkulo yama chalichi, iyaitangilile ipyana fyonse ifyo ibiye yakwete ifyakupela. Moneni kuno lubali. Nomba, pano, cena nipanuma ilyo bapokelele yonse aya maka, aya mashina ayapya, kabili ifintu fyonse ifyalembwa, ifyo Alaile, nokulya mana uwafiswa, kabili ukuya fye monse. Moneni iyi nkulo yakulekelesha iya chalichi, Ukusokolola 3:21.

Kuli uyo ukacimfyा Nkamupelo kwikala pamo naine pacipuna candi icabufumu, (ameni), ifyo na Ine nacimfyा, no kwikala pamo na Taata pa cipuna cakwe ica bufumu.

Ukwete ukutwi, omfwe ico Mupashi ulesosa ku nkuta.

¹⁵⁷ Kwaliba icilambu ica bakacimfyा. Twalilila, cananyika. Nga cili muli imwe, bikeni kumbali amatipa nefintu fimbì ifyashala, nokubutukila ku mulu. Ee, mukwai. “Ukwikala na Ine pacipuna Candi ica bufumu.”

¹⁵⁸ Namwishiba, inshita imo, nyina wakwa Yakobo na Yohane... Tatwakwate nshita iya kulibelenga. Nyina wakwa Yakobo na Yohane baishile nokulomba ici cifulo. Mwalishiba ico? Mwaibukisha ico? “Shikulu, lekeni umwana wandi ekale kulubali lumo, kibili umwana wandi umbi ekale kulubali lumbi.” Kuliko ukukabila kwa kwa nyina ukwa mwana wakwe.

Lelo moneni. Lelo, “Cilya cifulo,” Yesu atile, “calingilwe kabela.” Ici cifulo tacalipo pali ilya nshita. Mulandu nshi? Moneni. “Cili nokupelwa kuli bena ifyo capilibwile.” Cinshi? Umo ukwikala kukuboko kwakulyo, kibili umbi uwa Mupalama nganshi, ali libe nikacimfyा. Mwamona? Cena cali nalyo line... Atile, “Teti—Teti mpele ici. Ine teti pele ici, lelo cili nokupelwa panuma ukweshiwa kwaisa.” Ameni. Mwamona? “Ine teti mpele ici. Lelo panuma yakweshiwa kwaisa, bena bakekala kukuboko kwakulyo na kukuso. Kwalibako ulubuto ulwalingilwa kabela ululelolela kulya lubali kuli cilya. Lukapelwa kuli abo lwalailwako. Cikapelwa kulya, lelo ubwesho tabulaisa; ukutila, ena talacimfyा.” Mwamona?

¹⁵⁹ Umuntu uyo uwali nokusenda ici cifulo kulubali lumo, kibili umubiye ukucisenda kulubali lumbi, icakonkelepo kuli Ena mu Bufumu, cena cali tacilapelwa, mwamona, cena tacacimfishiwe. Ubwesho tabulapona. “Bwena bukapona kuntanshi.”

“Nga twaculila Kristu ne Cebo Cakwe, tuli nokuteka pamo Nankwe, pantu Ena e Cebo.” Ibukisheni, “Nga twa Muculila kibili ne Cebo Cakwe, tukateka Nankwe, mu Cebo Cakwe.”

¹⁶⁰ Moneni. Ena, Icilangililo cesu, ukucimfyा, elyo kibili aninine ku mulu, panuma Acimfishe imfwa, kumbo, amalwele, inshishi. Ifintu fyonse, Alicimfishe. “Elyo Ena aninine kumulu, nokutungulula bunkole, apele nefyabupe kubantu.” Cilya cali Icipangano Cakale, naba mushilo aba mu Cipangano Cakale abo abacimfyा. Bena balelolela Umuntu wa musango filya, kibili balifwile ilyo Cena tacilafika kulya. Lelo ilyo uyu Muntu aishile, “Cena tacakabakanye balya abalala utulo.” Ameni. Teti aluse, inshila ili yonse. Ukuba no mweo atemwa ukufwa, bupusano nshi cipanga? “Tatwakatangilile.” Mwamona? Bena baloleshe cilya.

¹⁶¹ Nangula Yobo kunuma kulya, aloleshe pali cena. Atile, “Nalishiba Kalubula wandi wamweo, kabili pansiha sha kulekelesha Ena akeminina pesonde.” Kwaliko umuntu umulungami, umuntu uwawililika. Apele ilambo. Acitile fyonse ifyo Lesa amwebele ukucita. Acicitile nakatina nomucinshi. Ali nikasesema. Kabili nomba Satana aishile, mukumwesha. (Nga fintu ena esa mukumitunka.) Cinshi ena acitile? Ena atwalililepofye ukwiminina palya.

Umukashi wakwe aishilefuma, atile, “Cinshi teti utukile Lesa nokufwa imfwa? Ulemoneka uwa nkumbabulili nganshi ukwikala palya.”

¹⁶² Atile, “Iwe ulelanda ngo mwanakashi uwapelwa mano.” Nomba, ena tatalile sosa ukutila ena ali iciwelewele, lelo ena alandile nga umo. Mwamona? Atil, “Iwe ulelanda ngo mwanakashi iciwelewele.” Atil, “Shikulu alipela, kabili Shikulu nasenda; lipalwe i Shina lyakwa Shikulu.” Ena alicimfyia.

¹⁶³ Ena alicimfishe ifyo abena mupalamano basosele. Alicimfishe ifyo bamembala bachalichi bonse, Bildad na bonse fye, bali nokusosa. Alicimfishe bishopo kabili nefyo asosele. Alicimfishe cardinal kabili nefyo ali nokusosa. Alicimfishe icilonganino, ifyo balesosa. Kabili ena aikele no kulungamikwa kwa Cebo. Ameni. Nomba, camuletelele ifintu fyonse akwete, nabana bakwe. Alepala ifipute nakapandwa kacimuti, naikala, lelo libe alicimfishe. Kabili ilyo ora ikalamba iya kweshiwa mukulekelesha yapyene, lyena amakumbi yalipombelwe.

¹⁶⁴ Aloleshe kucintu conse icamano. Atil, “Kwaliba isubilo mucimuti nga cafwa; cilaba nomweo nakabili. Kabili ulubuto lulaponena mumushili, lulabola; lulaba nomweo nakabili. Lelo umuntu alalambalala nokufwa; alonaika. Kabili abana bakwe balesa, abana bakwe abaume, ukumucindika nokumulosha; teshiba nokwishiha. Tema nakabili. Oh, uyo ali palya. Bwafya nshi? Ndi lubuto, pamo. Ndi cintu cimo, ukuti lwena lubuto, kabili Ndi nokuya pansiha. Ine teti njime nakabili. Ine ndi nokulala palya. Oh, mfiseni mu nshishi, nsungeni muncende yafiswa mpaka ubukali Bwenu bukapite. Sonteleni inshita kabili mpinguleni. Nga fintu amabwe yapeleka, amenshi yalapela nokupwisha ilibwe.” Oh, alitwalilile, ukusosa fyonse ifi fintu. Kuti amona ifilangililo fyonse kunse kulya, ifyo cali. Oh, afililwefye ukucimona.

¹⁶⁵ Kibili, Nkashi Rogers, ibukisheni ilyo Nashimikile cilya pacililo cakwa Busty. Mwamona?

¹⁶⁶ Musango nshi, ukutila, “Ena kuti apela ukufumyapo ilibwe,” ifyo ifi fintu. “Oh, O Imwe, mfiseni munshishi, nokunsunga muncende yafiswa.” Alitwalilile ukuya pantanshi. Atil, “Ndekabila nga Nalishibe. Ndekabila nga Nalishibe uko Ningaya, ku Muntu uwingabika amaboko Yakwe pali ine,

umuntu umubembu, na Lesa uwamushilo, nokulanda kuli Ena palwa ine.” Oh, owe! “Ena ali Kulya. Ninjishiba Ena ali Kulya. Kuliko Umuntu umo Kulya uwingacita cilya. Kuliko Umo kucifulo cimo. Nikwisa uko Ninga sanga ulya Muntu? Nikwisa uko Ninga sanga? Nala konkonsha pacibi Cakwe nokulanda kuli Ena. Nga cakuti Umuntu umo kuti abika fye ukuboko Kwakwe pali ine, kabili na pali Lesa, kabili—kabili nokumpangila inshila, landeni! Nga kuti Nasanga fye ulya Muntu! Oh, nipesa apo Ali?”

¹⁶⁷ Ena afwaile ukupita mumchalichi yakwe. Ena alifwaile mukabungwe kakwe. Ena afililwe ukusanga Umuntu waba ngefyo.

¹⁶⁸ Kibili pamuku fye umo, amakumbi yalipombelwe, kabili alimwene ulya Muntu aisa. Oh! Umutima wakwe uwakale ukutunta kunsansa. Elyo icintu cimo calicitike. “Nalishiba ukutila Kalubula wandi wamweo. Kwaliba u Muntu wa musango ngefyo.” Amen. Kwalibako u Muntu uwa musango ngefyo. “Nalishiba Kalubula wandi wamweo. Kibili nangula, panuma yamititi yamumunofu ikonaule uyu mubili, nalyo line mumubili wandi Nkamona Lesa, Uo Nkaimwena nemwine. Ena akeminina pesonde mubushiku bwa kulekelesha.”

¹⁶⁹ Pali lulyo lucelo lwe Pasaka, ilyo Abukile kulya lubali, kabili umubili wakwa Yobo uli supuni yamito, alelolela. Ena ali lilye Bumba ilyasalwa. Ena alibukile ukufuma munshishi nokwingila mumusumba, pamo na Abrahamu, Isaki, Yakobo, Yobo. Oh, owe! Amen. Pantu, bena balefwaya u Muntu wa musango ngefyo.

¹⁷⁰ “Kibili kuli abo Abalolela Kristu umuku wacibili,” abo abenga cimfyia ifintu fya ili sonde, kukusenamina Kwakwe, ukwisa muli Ena, nokwisala amenso yenu kucintu cimbi kano Ena ne Cebo Cakwe, “Akamoneka umuku wacibili mu Bukata.”

“Pantu ipenga lyakwa Lesa likalila, abafwila muli Kristu bakabuka; abo abali aba mweo abashala bakapilibulwa, mukashita fye, mukukapakapa kwe linso, ukusendwa capamo, uku Mukumanya mulwelele.”

¹⁷¹ Nangu Mbe kasupuni kamito, nangu Ndi nomweo ilyo Akesa, tapali ubupusano kuli ine. Amen. Temulandu, pantu Ine nalikata icimonwa. Icifimbo calipombwa, kabili Ine namumona Ena. Umo uyo wingeminina, nokubika ukuboko Kwakwe pali ine, umuntu umubembu, kabili pali Lesa uwamushilo. Kibili Ena ecikonsolwelo candi. Ena e Cebo ico Njimininepo. “Pakutendeka mwali Cebo.” Ena nicilya Cebo, kabili Ena alanjimininako, Kulya. Amen. Kibili Nalacipunda, cikulufye Ninkwata umupu, “Ena e Kututubuka kwandi no Mweo wandi.” Kibili imishili yonse iyashala misensenga ibila. Imishili yonse iyashala misensenga ibila.

¹⁷² Nga fintu Abekete abafwaile ico, eico Ena akesa kuli onse uwamushilo wamu Cipangano Cipyा uyo uwacimfyia kasusha wa cilonganino conse, abo abatala cimfyapo imembu

shonse ishalumbukwa isha buno bushiku, isha ino nshita iyo tuleikalamo nomba, nga filya Acitile munkulo shonse isha machalichi, balya abacimfya muli ilya nkulo ya chalichi. Abo abacimfya cinshi? “Ndi wa fyuma. Nshilekabila kantu nangu kamo. Ninkwata . . . Oh, Ndi fyonse *ifi* kibili na fyonse *Ifi*. Kibili Ndi Nabwinga. Ndi *ici*. Nshilekabila kantu nangu kamo.’ Kibili nshishibe ukutila muli ubwamba, impofu.”

¹⁷³ Mwamona ilye nshita iya kubepa iyo Nasosele? Tacaba nga balya abaputwile imitwe yabo, kunuma kulya, ku kubula libwe ilya buta; te abo abafwile mubaipaiwe, no kocewa kufimuti, nefintu nga filya; abo winine icilongwe. Lelo ni ino nkulo yakubeleka nomba, abatontonkanya ukutila baba fyonse. “Ukuba, Ndi membala wa chalichi. Ndi mwaume umusuma. Ndi mwanakashi umusuma. Ndacita *ici*. Nshilingile ukucita *Ici*.”

¹⁷⁴ “Lelo uwacimfya,” uwacimfya fyonse filye fintu ifya mwisonde ifya ino nshita, finshi ifyo bakacita? Bonse bakekala pamo Nankwe pacipuna Cakwe cabufumu; bakesaya mu Kusumbulwa ilyo Akesa. Oh, owe! Nicinshi ico Ndesakamana, lyena? Nicinshi ico twingasakama ifyo isonde lisosa? Nicinshi ico umuntu umbi engasosa? Mupashi wa Mushilo uukalamba uli pakati kesu. i Ntumba ya Mulilo Yakwe ilatutungulula no kututungulula. i Cebo Cakwe cilashininkishiwa kuntanshi yesu. Ukutemwa kwakwe kwaba mumitima yesu. Isonde lili munuma. Ifwe twalifuma mumfwa ukwingila mu Mweo. Isonde litontonkanya ukutila imwe mwalifulungana.

Lelo Yesu alingile ukusenda ulu lupanda eka,
Ne sonde lyonse liye fye ilintungwa?
Kuli ulupanda ulwa bonse,
Kibili kuli ulupanda lwandi.

¹⁷⁵ Imyaka amakumi yatatu na fitatu mwibala, kibili ulu lupanda ulwasangululwa Nkasenda mpaka imfwa ika ndubule.

¹⁷⁶ Lekeni bamunyinane bankane, balande fyonse ifyo bengafwaya, ukunkana. Lelo pali *ici* Cebo Ninjiminina, kibili *Ici* ceka.

Ulu lupanda ulwasangululwa Nkasenda,
Mpaka imfwa ikandubule,
Kibili nomba ukuya ku Ng’anda, muku
Sumbulwa, icilongwe nkafwale.

¹⁷⁷ Filya efyo tulefwaya bonse, teifyo fine? Filya efyo tulefwaya. Lilya lyesu—lilya esubilo lyesu nokupapata. Takuli amatontonkanyo yambi ayo twakwata, lelo yalya yamo pali Yesu Kristu. Kibili pabulungami Bwakwe twaliminina, eka, kibili ubulungami Bwakwe mu Cebo Cakwe. “Kibili i Cebo caishileba umubili nokwikala pakati kesu.” Kibili i Cebo cicili cileishininkisha Icine.

¹⁷⁸ Ukucimfya musango nshi? Pa kusenda i Cebo, ubulayo, mukupetama, ukwenda mukuicefyा.

Ulu lupanda ulwasangululwa Nkasenda,
 Mpaka imfwa ikandubule,
 Nomba nkaya ku Ng'anda, mukufwala
 icilongwe.

¹⁷⁹ Pantu, “Ilyo lilya Ipenga likalila!” Imwe kuti mwanshika muli bemba, lelo Intandala ili nokunjimya. Cisuma. Ndeya ku Mwesu, ubushiku bumo. Ameni. Mpaka lilya, Nkalwisha, ameni, ukusenda ulu lupanda; ukubika amenso yandi te pa bantu, lelo pa Kalbale kulya, pantu Ena ali icilangililo candi. Alilangishe ifya kucicita. Kibili icilangililo Cakwe, tuli nokucikonka, cila bushiku.

Ndekonka Yesu cila lutampulo lwa nshila.
 Ndekonka Yesu cila lutampulo lwa nshila.

¹⁸⁰ Bushe tamwatemwa ico? Oh, ifyo Ndetontonkanya, Mukonkeni, cila bushiku, cila lutampulo lwa nshila.

Natupepe.

¹⁸¹ Shikulu Yesu, ora nama miniti ikumi limo na yasano nomba, ukwiminina pano, ukwesha ukusenda i Cebo Cenu nokulondolola kabantu ifya kucimfy. Imwe mwaliwebele ifyo cena cacita. Imwe tamwamwebele fye, lelo Imwe mwaliwangishe ifyo cena cactilwe. Imwe alitutungulwile. Imwe mwaliitunga ifya kucicita: pokeleleni i Cebo mukati kesu, kibili beni abashininkisha ukwikatilila kuli cilye Cebo, “Calilembwa,” mubwesho ubuli bonse; lelo beni abapetama, endeni abapetama. Lyena natucimfisha, ukupitila muli Imwe, ukupitila mu maka Yenu ayo ayacimfishe kale umulwani wesu. Kibili icintu fye cimo ico tulingile ukucita caba—caba fye ukwenda abapetama ne cicetekelo, ukucetekela Ico, necishibilo icakwishibikwa ica Mupashi wa Mushilo, na Satana afwile asela.

¹⁸² Pali ututambala utuli pano. Twena twiminineko abantu abalwele. Bena balekabila, Shikulu. Kibili balibelenga muli ici Cebo icituntulu uko bafumishe mumubili wakwa Paulo Washila ututambala notusalu. Twalibikilwe pa bantu abalwele. Imipashi iyabipa yafumine muli bena, kibili ifisungusho ifikalamba fyacitilwe. Nomba, Nimwe umowine Shikulu Yesu ileelo.

¹⁸³ Paulo ashimikile ici Cebo, kibili alembele ici Cebo, i Cebo cimo cine ico tuleesha ukukonka. Pantu, asendele Icipangano Cakale nokucipashanya, nokulangisha ukutila cali icipasho, ukutila conse ica mu Cipangano Cakale cali icipasho icapwililika ica Cipy. O mwe Shikulu, lekeni tukonke cilya icilangililo.

¹⁸⁴ Tulemona Shikulwifwe, ifyo Acitile. Kibili tulemona ukutila, balya abamushilo aba mu Cipangano Cakale, muno lucelo, tulesanga ukutila bena baley. Ilyo Yesu abukile, balile pamo Nankwe. Kibili, Shikulu, twalicetekela ukutila tuli nokuya ilyo Akalisha Intandala. Ifwe twalicetekela, ukutila Nabwinga akesaya pali bulya Bushiku kibili akesa ilunda pamo

ne—ne bumba lya ci Hebere ilya Cena, kibili, capamo, kukaba Umulalilo wa Bwinga mu Bukata. Abo abalelolela.

Tulepepa nomba ukutila uluse Lwenu nenkumbu fibe pali ifwe. Bakacimfya, Shikulu, bakacimfya, ifwe tukabila ukuba ico. Tucimfyeni. Shikulu Yesu, Imwe mwalicimfya isonde. Nomba Ndapepa ukutila Mwalasuminisha umuntu onse muno, muno lucelo, “Bikeni kumbali ulubembu lonse, fumyenipo icafina icitutitikisha mukwanguka, pakutila twinga butuka nomukosha ulubilo ulwabikilwa ifwe.”

¹⁸⁵ Paulo asosele ici, Shifwe uwa mu Myuulu, kulya lubali mwi Buuku lya ba Hebere, ukutila, “Tulingile ukubika kumbali icakufinya conse,” cilye cipandwa ca 12, emo alandile ici, panuma ena nalanga necilangililo, kunuma kulya balya abatwalilile; balya abashatwalilile; balya abacifuleful abakonkele; balya abakonkele pantanshi; balya abaleshalila kunuma. Bonse, alangishe ifilangililo. Elyo alipilibwike nokutila, “Natufumyeko icafina conse, akantu akali konse akanono akaikala pali ifwe, ukuti twinga butuka nokutekanya ulubilo ulwa bikwa pali ifwe; ukulolesha kuli Ena, Kalemba na Kapwisha wa Cicetekelo cesu, Uyo watupele icilangililo.” Ifwe tulacita cilya muno lucelo, Taata.

¹⁸⁶ Nomba, ne mitwe yesu iyakontamikwa, nomba lolesheni mukuposako amano mukuposako amano, nganshi. Kibili, lyena, beni ababufumacumi mukushika. Cena fye—cena cisenda fye... Cilya fye ceka efyo cisenda: cencenteni no bufumacumi bwenu. Beni abacenjela nganshi ngefyo mulecententa nomba. “Mbebeten, Shikulu. Njesheni. Bushe muli ububifi muli ine? Nga cakuti emo buli, Shikulu, lekeni mbulambalike, nomba line. Ino ncende, apo Mfukeme, ecpailo Cobe. Nabika cena pansi, pano pene nomba, bikeni amakasa yandi pali cena. Ilyo Nafumapo, cena cili nokulambalala palya. Amaka ya Mulopa Wenu yakonaula cena. Ndefwaya ukuba kacimfya. Ninkwata icintu cimo ico cilencusha, Shikulu. Ndefwaya ukucimfya, muno lucelo. Kuti Nacita, ukupitila muli Imwe. Nalyebwa cilya, ku Cebo Cenu. Nacilambalika nomba, Shikulu, kibili Nalambalika amakasa yandi pali cena. Ilyo Ndepita muli cino cikulwa muno lucelo, ukuya, ukwishiha ukutila nacibikwa mu i—ibesen iyangufumya ifiko ilyakwa Lesa. Cena tacakatale ibukishiwa nakabili. Ine nomba nalayebelela cena nokulomba uluse.”

¹⁸⁷ Ne mitwe yesu iyakontama, na menso yesu ayashibata; imitima yesu iletontonkanya, uyo emwinshi waku mweo nomba. Bushe kuliko icintu cimo ico ulefwaya ukubika lubali muno lucelo, icintu cimo ico ulefwaya ukucimfya? Kibili iwe walyesha pamaka ayakalamba, lelo, muno lucelo, wala walaleka ukwesha. Iwe walapokelelafye ico Ena acitile. Ndefwayafye wimyeko ukuboko kobe nokutila, “Shikulu, Ndefwaya ukucimfya. Kibili icintu cimo cilansakamika ine.”

¹⁸⁸ Shikulu Yesu, Mwamona yonse yalya amaboko. Nomba, nga ne mubomfi Wenu, uwimininako pakati kaba mweo nabafwa, Nasusha icintu conse ico icilesakamika aba abantu na ine pamo palwandi. Kibili Naipusha ico mwi Shina lyakwa Yesu Kristu, ifwe tushe ico na cilambalala pano pa cipailo cakwa Lesa, nokufumako muno lucelo, abantungwa, ngaba kacimfy.

¹⁸⁹ Ngacakutila bankashi besu tabakwata ukusenamina kunumako, lekeni kwena kupelwe nomba, Shikulu. Ngacakutila ba munyinefwe tabakwata ukusenamina, lekeni kwana kupelwe nomba. Kibili lekeni, mukwiicefya, mayo pamo nabana bakwe, mucufulo cakuba ne casakanwa. Ena alishiba ukuti aikala... Nikashimikila kuli bena abana banono. Umweo wakwe ecakumwenako. Batata ecakumwenako kuli ba mayo, pantu emutwe wa ng'anda. Ba mayo balesha ukumutungulula ena ukunoku; ena takacite ico cena calipwa. Ngacakutila ena amubomfy a nge cakusho mwenapo ifiko, cena tacili nokucitwa calipwa. Ena nikafwa. Cifikilisheni ico, Shikulu. Lekeni fyonge ifi ifiticinga, Shikulu, fинга fumishiwapo.

¹⁹⁰ Ifwe—ifwe tulebika palwesu, Taata, pansiita ya mweo tukwete ku ntansi yesu, ukwishiha ici, ukwishiha ici, ukutila ifwe tuli nokwisa ku mpela ya ico, kibili neco nombaline. Eico, muno lucelo, twabula ino nshita, panuma yaino Mbila. Twabula ino nshita, Shikulu, ukwisa, pantu ifwe natwitwa ukwisa. “Bikeni amasakamiko yenu pali Ena, pantu Ena alasakamana imwe.” Ine ninjishiba Imwe mulasakamana Shikulu. Imwe icine cine mwalitusakamana apakalamba ukufwila ifwe. Kibili na ifwe icine cine twalisakamana apakalamba ukwisa nokupokelela ico Mwafwillilepo.

¹⁹¹ Tushisheni, Shikulu. Twisusheni cipyia na Mupashi wa Mushilo. Lekeni Mupashi wa Mushilo ukuti aleteka mu mitima yesu, mu maka yakalamba, ukutila ifwe twakulaenda, ukulabako ku fintu ifyapita, ifikako na matipa filya pansiita imo twaikalemo. Ifwe tuli nokutwalilapo ukufika pa mushilwa wa bwite ubukankala, apo u Lubuuto lwersu lwinga bengeshima, mpaka onse umupita nshila kuli atila, “Kwaliba umwina Kristu uwikala palya paculu. Ulyo muntu, ulyo mwanakashi, ulyo mwaume, liluba lyashila lyakwa Lesa. Bena baba abasuma nganshi kibili aba cikuku nganshi, lyonse abacitemwiko kibili abasuma, nokukutuluka.” Cipeleni, Taata. Lekeni tube abamucele, pakutila isonde lingakwata icilaka; cipeleni, Taata; nokucimfy ifintu fya ili sonde, kibili namasakamiko yabwikashi. Mwi Shina lyakwa Yesu Kristu. Ameni.

Ine nde...

Nomba lekeni twimye fye ukuboko kwesu.

...Kapususha...

Ukwita cinshi? “Isa kuno, ukufuma mumatipa.” U Mweo wa pamulu; Icintu cimo cili muli iwe, icilemitinta

muli uyo musango. Cena nicinshi? Cena ni Ena. Mulya mumatipa, amaluba ayanono; imwe namukwata u Mweo mulya, ukuipatikisha kuli imwe. Cilya e cimwita, “Isa kuno, ukufuma mumatipa.”

“...ukukonka, ukukonka...”

¹⁹² Nomba, bushe mulecipilibula? Nomba isalen'i amenso yenu.

Uko Alentungulula Nkakonka,

Nomba ipeleni mwebene. Cipilibule ico, nomba.

Uko Alentungulula Nkakonka,

Uko Alentungulula Nkakonka,

Ndeya Nankwe, Nankwe, inshila yonse.

Uko Alentungulula Ine...

Mubusuma fye nomba. Ibukisheni, ibiken'i mwebene palya.

...Ena atungulula...

“Nalacibika pano, Shikulu. Nala Mukonka, ukufuma nomba ukuya pantansi. Nasumina Cena. Nacetekela Cena.”

Uko Ena atungulula...

Ibukisheni, umweo wwenu uli nokupelo bunte ukucila akanwa kenu. Ifyo mwikal'a muli nokushininkisha kubantu ukucila ifyo mulesosa.

Kabiyen'i Nankwe, Nankwe, (Inshila...

Kwisa?) inshila yonse.

¹⁹³ Ishilishe wemwine, mukushika, mucine, umutima obe onse. Nga cakutila iyi yali ninshita ya kulekelesha iyo mwatalile ukusuminishiwa ukupepa? Cena limbi kuti caba. Ndesubila iyo. Cena limbi kuti caba. Nomba, beni abashininkisha nomba, mucine nganshi, mucine nganshi. Ibukisheni, iciibi cikesala, ubushiku bumo, lyena fyons'e ninshi fyapwa. “Ipusha, walapokelela.”

¹⁹⁴ Tontonkanyeni fye pa bukata bonse ubo Ena apele kuli imwe, ifintu fyons'e ifyo Ena acita. “Nincetekela, Shikulu. Nincetekela. Nincetekela ukuti Imwe muli kacimfy'a wandi. Nyendafye pamo na Imwe, Shikulu. Ndefwaya ukwikala mupepi na Imwe, kulya uko Imwe muli, Ndefwaya ukuba.”

¹⁹⁵ Kibili ibukisheni, Imwe mwalitwebele, Taata, ukutila, “Ifwe lyonse tukaba pamo na Shikulu, ilyo tukasumbulwa.” Ifwe tukwete fye u—uku Mumona nomba, ilyo Ena aleenda pamo naifwe nomba. Lelo lyena twala... Ifyo caba icintu icikalamba, ukwishiha fye ukutila Ena ali mu yesu—mukati kesu! Cikaba shani ilyo tukaba pamo Nankwe umuyayaya? Eico ifwe twalitemwa amapange yesu yonse: ifwe kuti twaya muli motoka; ifwe kuti twaya mukushita; kuti twaya mukulunga, ukuloba, nangu fyons'e ifyo twingacita mumangalo. Lelo, oh, ilyo ichalichi caisulwa, ifwe tulefwaya ukukumanya Shikulwifwe. Cilya cintu icikalamba nganshi pafintu fyons'e. Kanshi, tontonkanyeni, Ena

alitulaile ifwe. “Kabili pe na pe akaba pamo na Shikulu. Ukwikala pamo Nankwe pa cipuna Cakwe ica bufumu, kabili ukuba Nankwe umuyayaya.” O mwe Lesa, mukuicefyा, ne-nemitwe iyakontamikwa, tulecisumina, Shikulu, mwi Shina lyakwa Yesu Kristu.

¹⁹⁶ Bushe muleumfwa ukuti kuti mwasha fye, nomba, ifintu fyonge, icisendo conse? Imwe kuti mwaciluka, pali cena nomba? Nga kuti mwacita ico, imyeni ukuboko kwenu, nokutila “Kukusenaminwa kakwa Lesa Nabika ubu bwesho pansi. Nshalweko, nakabili. Nalaikata fye ukuboko Kwakwe, no kutendeka ukwenda.”

“Nalilwisha, Munyina Branham. Nalyeseshe ukuleka ukupeda fwaka. Na—Naeseshe ukuleka imishishi yandi ukukula. Nalyesha ukucite *ici*. Nalicita . . . Nalyesha, na maka nganshi, Munyina Branham. Te kuti ncicite fye.”

Mwicesha cena, nakabili. Ikatene fye ukuboko Kwakwe, nokutila, “Taata, Imwe bikeni ukuboko kwandi mwilaya.” Mwamona? “Nala Mupela fye ukuboko kwandi. Nalaenda fye, Shikulu, ukulolekesha kuli Imwe.” Cikesa citika. Akamifwika nga abena Kristu abacine. Mukaba abena Kristu abacine.

¹⁹⁷ Mpaka Naisa mimona, munshita ya bushiku, Lesa amitemwe kabili abe naimwe. Imwe muli bana bandi aba Mbila nsuma. Imwe muli abashitwa.

Nomba Nabweseha ba kakumba, ukubwekesha kuli imwe, ukuti bengamisalanganya, Munyina Neville . . . ? . . .



KUTI NACIMFYA SHANI? BEM63-0825M
(How Can I Overcome?)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, mu Kasaka Ntobo pa 25, mu 1963, ku Branham Tabernacle mu Jeffersonville, ku Indiana, U.S.A., yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb i ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org